

大德  
樂



古詩類

古詩類

12293

河北省立  
天津特別市  
市立第二圖書館

12233



天津特別市市立第二圖書館 29-6.1.0000



欽定四庫全書提要

名家詞鈔

無卷數  
柱家天一閣藏本

浙江范懋

國朝聶先編先字晉人廬陵人所選自吳偉

業龔鼎孳以下凡三十家考卷首曾王孫

序稱百家名詞與集中所載之數不符又

云詞體之變遷選者之詮次例言自能詳

之而卷端亦無例言似乎未完之本矣



謹案

四庫提要是書三十家為天一閣以進本茲得  
六十一家表端例言居然無失雖不能定  
為全書所遺當無幾矣倘流傳者不載  
不與毛刻六家詞等字因檢王述庵  
司寇此選詞綜次第仿此分排其不入詞  
綜者六家附于後並得載其名焉  
光緒紀元上元節八午卷樓主人記



第一冊

吳偉業  
龔鼎孳  
李元鼎  
曹溶  
梁清標

第二冊

宋琬  
魏學渠  
何采  
王庭  
曹爾堪  
王士禎  
張錫懌

第三冊

毛際可  
董俞  
吳興祚  
宋榮  
鄭俠如  
呂師濂  
高士奇  
丁焯

第四冊

華胥  
呂洪烈  
顧貞觀  
汪懋麟  
彭孫適  
王頊齡  
秦松齡  
尤侗

第五册

毛奇齡

徐鉉

朱彝尊

陳維松

嚴繩孫

方九冊 不入行錄

馮注

姜彥

蔡翔麟

周倫

唐夢齋

林雲銘

汪錫村

第六册

徐皆鳳

吳棠楨

陸次雲


萬樹

趙維烈

江士式

沈雄

徐允哲



第七册

蔣景祁

陳見龍

王九齡

沈爾燦

孫致彌

江尚質

鄭熙績

葉尋源

第八册

沈永令

周稚廉

徐瑤

徐璣

郭士璟

顧景星

趙吉士

徐惺

邵錫崇



第五冊

毛奇齡  
徐鉉  
朱彝尊  
陳維崧  
嚴繩孫  
汪森  
吳之登  
魯起

第六冊

徐階鳳  
吳棠楨  
陸次雲  
萬樹  
趙維烈  
江士式  
沈雄  
徐允哲

第七冊

蔣景祁  
陳見龍  
王九齡  
沈爾燿  
孫致彌  
江尚質  
鄭熙績  
葉尋源

第八冊

沈永令  
周稚廉  
徐瑤  
徐璣  
郭士璟  
顧景星  
趙吉士  
徐惺  
邵錫崇

序

長水 曾王孫 誤

皇朝定鼎四十餘年禮樂文章蔚然周漢而  
長短填詞尤稱極盛吾鄉采山侍郎竹垞  
太史逸才絕俗之流巖穴知名之士無不  
人握隋珠家寶荆玉南湖一片水幾於濯

名家詞鈔

曾序

錦蜀江矣獨余不敏不能審音顧曲趨步  
詞壇比於邾莒之賦薄宦都昌又少詞人  
倡和終日卷帷拄笏遙對香爐五老諸峰  
望谷簾瀑布洗十年塵土腸胃以松聲鳥  
聲當兩部鼓吹雖俗吏實有餘閒也年來  
案頭郵致名稿川流繕本山積一日聶子



晉人索余同董百家詞鈔余愕然曰余安  
知詞哉然亦嘗從采山竹垞諸公竊窺詞  
學之藩籬間與考古論今自陳隋倡綺靡  
之音以及唐宋元明迄於



昭代其間盛衰之故雅俗之辨正聲變調之  
緣起莫不州悉部居瞭如指掌則余雖不

名家詞鈔

曾序

爲詞猶能爲聞弦賞音之師曠也百家名  
詞具在每當撫琴飼鶴之餘展而觀之或  
如泛海遊蓬萊閩苑仙樓縹緲金碧浮空  
或如武庫開張森列戈戟或如田僧超快  
馬入陣先爲吹笳壯士之聲或如窈娘纏  
帛飛燕牽裾舞於蓮心掌上或如孟才人

一聲河滿淚落君前時歌時泣忽醉忽癡  
觀百家之詞卽見百名公於一堂如延陵  
季子觀六代之樂至於簫韶觀止矣葢以  
加矣安可不公諸海內以鳴一代之盛而  
定千秋之業哉昔濟南王阮亭先生司李  
楊州與鄒子程邛有倚聲初集之選網羅  
浩博攷按精詳至今膾炙人口余雖不敢  
望濟南之月旦而彙集海內之詞華表章  
藝林之騷雅則晉人之功居多若夫詞體  
之變遷選者之詮次例言自能詳之余固  
存而不論也





例言

宋元詞人最盛。而所傳詞稿甚少。聞昔海虞吳氏。有宋元百家詞抄本。兵火之後。汲古閣購之不全。祇梓宋詞六十家行世。可見傳稿之有幸不幸也。今國朝四十年來。詞人蔚起。幾幾乎駕宋軼元。無論英才。怒生。作者林立。但以稿本盈寸。自成一家。足供徵選者。次第編入。以稽一代偉觀。

詞調起於陳隋。廣於二唐。盛於北宋。迨元明以降。揣摩愈工。而體裁愈下。作者益多。而會者益少。自沈天羽別集一出。能以意致相詭。言語妙天下。爲詞家開却生面。豈後之學者。習而不察。沿成。奏字好。奇之癖。不免求奇反庸。求新反淺之病。岷源濫觴。不得不歸咎於別集也。是邈也。人勒一集。集盡所長。惟嚴聲調。上追古人不眩尖新。以亂耳目。

聲調之失。日久相沿。一時難於釐剔。每遇絕妙好詞。偶或一音未協。一字未妥。竊爲更定。以辯魯魚之誤。非敢漫爲竄易也。

詞有一體而數名。亦有數體而一名者。茲悉歸之原。

名蓋詞調之始。隨人立體安名。初無準則。故有紛更。考之花草粹編。異體奇名。渺不可極。變題換號。殊勞觀覽。宋詞尚然。何況後世。後世有述。則吾不知。若近代詞人間。或有此。盡爲刪正。其自度曲。宋元以後。雖美弗彰。概不鈔入。

詞之短者曰令。長者曰慢。初不分有中調長調也。是編或限字數。以別先後。或照原稿以序時次。而令慢自見矣。至於圈讀。得則爲龍之點睛。失則爲蛇之添足。不得不詳爲圈讀。以備查核。其詞話每卷

名家詞鈔

例言

二

之後。略綴一二則。俱於原序原評。僭爲節錄。缺者竊補一二。殊愧謏陋。幸賜諒焉。

詞人藏稿。最難徵求。或以路遙莫致。或以抄謄爲艱。憶同柳塘梅墩。共事鉛槧。忽忽經年。片稿莫致。幸道扶過吳。付稿盈篋。以恣選擇。副本具在也。

鈔百名家詞。而實不限以百家者。蓋人各一集。便於單本獨行。不妨隨到隨梓。隨時隨地。皆可刷印問世。次序後先。所不之論。讀者鑒諸。



名家詞鈔目錄

廬陵 聶先 晉人

卷定

長水 曾王孫 道扶

梅村詞

婁東 吳偉業 駿公

如夢令

二調

生查子

二調

浣溪沙

二調

羅敷媚

二調

浪淘沙

柳梢青

西江月

南柯子

二調

名家詞鈔

梅村目錄

南鄉子

二調

臨江仙

醉春風

二調

江城子

金人捧露盤

柳初新

滿江紅

八調

滿庭芳

燭影搖紅

念奴嬌

木蘭花慢

二調

風流子

二調

沁園春

二調

賀新郎

二調

梅村詞

婁東 吳偉業 駿公

如夢令

鎮日鶯愁燕懶。徧地落紅誰管。睡起燕沉香。小飲碧螺春。盃簾捲簾捲。一任柳絲風軟。

前調

烟鎖畫橋人病。燕子玉關歸信。報道負情儂。屈指還家春盡。休聽休聽。又是海棠開近。

生查子

名家詞鈔 梅村

青鎖隔紅墻。撇下韓嫣彈。花底玉聰嘶。立在垂楊岸。纖指弄東風。飛出銀箏雁。寄語畫樓人。留得春光半。

前調

香爇合歡襦。花落雙文枕。嬌鳥出房櫳。人在梧桐井。小院賭紅牙。輸却蒲桃錦。學寫貝多經。自屑泥金粉。

浣溪沙

斷頰微紅眼半醒。背人驀地下階行。摘花高處賭身。



輕○細撥薰爐香繚繞。嫩塗吟紙墨欹傾。慣猜閒事  
爲○聰○明○

前調

一斛明珠孔雀羅。湘裙窄地錦文鞞。紅兒進酒雪兒  
歌。石黛有情新月皎。玉簪無力暖雲拖。見人先唱  
定風波。

羅敷媚

落紅已拂雕闌近。入手枝低。莫肯高飛。費盡東風著  
力吹。分明燕子啣來到。因甚差池墜在污泥。惹動  
游絲不自知。

名家詞鈔 梅村

前調

低頭一霎風光變。多大心腸。沒處叅詳。做箇生疎故  
試○郎○何須抵死推儂去。後約何妨。却費商量。難得  
今宵是乍涼。

浪淘沙 端午

纏臂綵絲繩。妙手心靈。真珠嵌就一星星。五色疊成  
方勝小。巧樣丹青。刻玉與裁冰。眼見何曾。葫蘆如  
豆。虎如蠅。旁繫纍絲銀扇子。半黍金鈴。

柳梢青

紅粉墻高。風吹嫩柳。露濕天桃。扇薄身輕。香多夢弱。  
腸斷吹簫。誰能一見相拋。動人處。詩成彩毫。帳底  
星眸。窓前皓腕。又是明朝。

西江月

詠別

烏鵲橋頭夜語。櫻桃花下春愁。廉纖細雨綠楊舟。  
畫閣玉人垂手。紅袖盈盈粉淚。青山剪剪明眸。今宵  
好夢倩誰收。一枕別時殘酒。

南柯子

涼枕

名家詞鈔 梅村  
三  
頰印紅多暈。釵橫響易尋。美人一覺在花陰。怕是耳  
珠鈎住鬢雲。侵有分投湘簟。無緣伴錦衾。眼多啣  
溜為知音。受盡兩頭牽繫。像人心。

前調

竹夫人

玉骨香無汗。從教換兩頭。受人顛倒被人勾。只是更  
無腸肚。便風流。嬌小通身滑。玲瓏滿眼愁。有些情  
性欠溫柔。怕的一時拋擲在深秋。

南鄉子

新浴

皓腕約金環。艷質生香浸玉盤。曲曲屏山燈近遠。偷



看一樹梨花露未乾。扶起骨珊珊。裙衩風來怯是單。背立梧桐貪避影。更闌。月轉迴廊半臂寒。

前調 牡丹頭

高聳翠雲寒。時世新粧喚牡丹。豈是玉樓春宴罷金盤。頭上花枝鬪合歡。著意畫烟鬟。用盡玄都墨幾丸。不信洛陽千萬種。爭看魏紫姚黃。總一般。

臨江仙 逢舊

落拓江湖常載酒。十年重見雲英。依然綽約掌中輕。燈前纔一笑。偷解砑羅裙。薄倖蕭郎憔悴甚。此生

名家詞鈔 梅村

四

終負卿卿。姑蘇城外月黃昏。綠窻人去住。紅粉淚縱橫。

醉春風 春思

門外青驄騎。山外斜陽樹。蕭郎何事苦思歸。去去去。燕子無情落花多恨。一天憔悴。私語牽衣淚。醉眼。恨人覷。今宵微雨怯春愁。住住住。笑整鸞衾重添香獸。別離還未。

前調

眼底桃花媚。羅襪鈎人處。四肢紅玉軟無言。醉醉醉。

小閣迴廊。玉壺春暖。水沉香細。重整蘭膏。膩偷解。羅襦繫。知心侍女。下簾鈞。睡睡睡。皓腕頻移。雲鬟低。掩羞眸斜睇。

江城子

風鶯

柳花風急。賽清明。小兒擎。走傾城。一紙身軀便欲上。天行。千丈遊絲。收不住。纔跌地。倏無聲。憑誰牽弄。再飛鳴。御風輕。幾人驚。江南二月。聽呼鷹。趙瑟秦箏。天外響。彈不盡。海東青。

金人捧露盤

觀演秣陵春新劇

名家詞鈔

梅村

五

記當年。曾供奉。舊霓裳。嘆茂陵遺事。淒涼。酒旗戲鼓。買花簪帽。一春狂。綠楊池館。逢高會。身在他鄉。喜新詞。初填就。無限恨。斷人腸。爲知音。仔細思量。偷聲減字。畫堂高燭。弄絲簧。夜深風月。催檀板。顧曲周郎。

柳初新

閨思

畫欄深鎖。鴛鴦暖。照素影。花枝軟。綠雲斜暉。寶釵欲墜。倦起日高猶嬾。嗔道風簾捲。半擡身。慵開嬌眼。

閣外青山。點點問平疇。綠蕪誰慘。玉驄嘶去。欲窺還避。肩倚侍鬟。微掩凝望處。雙眉歛。似不禁。燕拘鶯管。



滿江紅

白門感舊

詞譜

松枯凌寒掛鍾阜。玉龍千尺。記那日永嘉南渡。蔣陵  
蕭瑟。羣帝翱翔騎白鳳。江山綺素。舳舻稜碧。躡麻鞋血  
淚灑。水天新亭客。雲霧鎖。臺城戟。風雨送。昭丘栢。  
把梁園宋寢。燒殘赤壁。破衲重游山寺冷。天邊萬點  
神鴉黑。羨漁翁沽酒一簑歸。扁舟笛。

讀史

讀史

讀史

顧盼雄姿。數馬稍當今。誰比論富貴。刀頭取辦。只應  
如此。十載詩書何所用。如吾老死溝中耳。願君侯誓

名家詞鈔

梅村

六

志掃秦關。如江水。烽火靜。淮淝壘。甲第起。長安裏。  
尚輕他絳灌。何知程李。揮塵休譚邊塞事。封侯拂袖  
歸田里。待公卿置酒上東門。功成矣。

感舊

感舊

感舊

滿目山川。那一帶石城東冶。記舊日新亭高會。人人  
王謝。風靜旌旗瓜步壘。月明鼓吹秦淮夜。算北軍天  
塹。隔長江飛來也。暮雨急。寒潮打。蒼鼠竄。宮門瓦  
看雞鳴埭。下射雕盤馬。庾信哀時。惟涕淚登高却向  
西風灑。問開皇將相復何人。亡陳者。

前調

詩酒溪山足。笑傲終焉而已。回首處。亂雲殘葉。幾篇青史。昔日兒童俱老大。同時賓客今亡矣。看道傍爭羨錦衣郎。曾如此。遭際盛聲名起。跨燕許。追蘇李。苟不知一事。吾之深耻。年少卽今何所得。孝廉聞一當知幾。論功名。消得許多才。偶然耳。

前調

贈南中余澹心

綠草郊原此少後。風流如畫。儘行樂溪山佳處。舞亭歌榭。石子岡頭。聞奏伎。瓦官閣外。看盤馬。問後來領

名家詞鈔 梅村

七

袖復誰人。如卿者。雞籠館。青溪社。西園飲。東堂射。捉松枝。塵尾。做些聲價。賭墅好。尋王。武子。論書不減。蕭思話。聽清譚。慶慶逼人來。從天下。

前調

重陽感舊

把酒登高望北固。崩濤中斷。還記得。寄奴西伐。彭城高。讌飲至。凌敲看馬射。秋風落木。堪傳箭。歎黃花。念柴桑居士。高風誰見。佳節又逢重九日。明年此會。知誰健。論人生。富貴本浮雲。非吾願。



前調 感興

老子平生。雅自負交游。然諾今已矣。結茅高隱。溪雲  
生閣。暇日好尋隣父飲。歸來一枕松風覺。但拖條藤  
杖。筇鞋輕。湖山樂。也不赴公卿約。也不慕神仙學。  
任優游散誕。斷雲孤鶴。健飯休嗟容髯改。此翁意氣  
還如昨。笑風塵勞攘少年場。安耕鑿。

前調 蒜山懷古

沽酒南徐聽夜雨。江聲千尺。記當年阿童東下。佛狸  
深入。白面書生成底用。蕭郎裙屐偏輕敵。笑風流北  
府。好譚兵叅軍客。人事改寒雲白。舊壘廢神鴉集。  
儘沙沉浪洗。斷戈殘戟。落日樓船鳴鐵鎖。西風吹盡  
王侯宅。任黃蘆苦竹打荒潮。漁樵笛。

滿庭芳

孫太初太白亭落成分韻得林字

鐵笛橫腰。鶴瓢在手。烏巾白袷行吟。仙蹤恍忽埋玉  
舊烟林。多少唐陵漢寢。王孫夢一樣銷沉。殘碑在高  
嶺。士留得到而今。雲深來此地。相逢高隱。白石  
同心。喜今朝吾輩。酌酒登臨。忽聽松風濤響。蘇門嘯  
髣髴遺音。歸來晚峯頭斜景。明日約重尋。

金八  
燭影搖紅

山塘卽事

踏翠尋芳。柳條二月春風半。秦娘家在畫橋西。有客  
金錢宴道。是留儂可便細沉吟。迴眸韻。跨繡簾深處。  
茗椀爐烟。一床絃管。惜別匆匆。明朝約會新亭館。  
扁舟載酒。問嬋娟。慕地風吹散。此夜相思。豈慣孤枕。  
宿黃蘆斷岸。巖城鐘鼓凍。雨殘燈披衣長嘆。

念奴嬌

東籬殘醉。過溪來閒訪黃花消息。小院高樓門半掩。  
細雨闌干。吹笛側帽狂呼。撈箏緩唱。翠袖佯人立。欲

名家詞鈔

梅村

九

前○起○止○此○中○何○處○佳○客○却○是○許○椽○王○郎○風○流○年○少  
金○釵○側○十○載○揚○州○春○夢○斷○薄○倖○青○樓○贏得○遍○插  
茱萸。山公老矣。顧影顛毛白。凭高惆悵。暮雲千里凝

碧。

木蘭花慢

話舊

西○湖○花○月○地○櫻○筍○熟○鰕○魚○肥○記○粉○袖○銀○箏○青○簾○畫○舫  
烟○柳○春○堤○驚○風○一○朝○吹○散○嘆○西○興○兵○火○渡○人○稀○白○髮  
龜年尚在。青山賀監重歸。恰相逢紫蟹黃雞。猶唱  
縷金衣。奈狂客愁多。秋娘老去。木落烏棲。無情斷橋



流水把年光。流盡付斜暉。世事浮生急景。道人抱膝忘機。

前調 中秋詠月

水輪誰碾就。千尺起。嘯臺東。記白傅堤邊。庾公樓上。幾度曾逢。今宵廣寒高處。問嫦娥環珮在何峰。天上銀河珠斗。人間玉露金風。聽江樓鶴唳橫空。人影立梧桐。有宮錦袍袂。綸巾頭白。鐵笛仙翁。欲乘月明飛去。過巖城下界。打霜鐘。醉臥三山絕頂。倒看萬箇長松。

名家詞鈔 梅村

風流子 送張編修督學江南

中原人物盛。征驂過。花發洛陽街。羨巖助承明。連城建節。茂先機近。好士掄才。賔徒滿。賦成誇授簡。鐘鼓遶繁臺。高嶽出雲。鬱葱千仞。濁河天際。屈注西來。憑高披襟處。千觴引醞醪。意氣佳哉。回首日邊臚唱。御筆親裁。待尚書尺一。趨歸視草。門盈桃李。學士高齋。領取玉堂佳話。黃閣重開。

前調 掖門感舊

咸陽三月火。新宮起。傍鎖舊莓牆。見殘甃廢磚。何王

遺構荒齋衰草。一片斜陽。記當日。文華開講。幄寶地。  
正焚香。左相按班。百官陪從。執經橫卷。奏對明光。  
至尊微笑。尚書問大義。共退東廂。忽命紫貂重召。  
天語琅琅。賜龍團月片。甘瓜脆李。從容晏笑。拜謝君。  
玉十八年來。如夢萬事。淒涼。

沁園春

觀潮

八月奔濤。千尺崔嵬。砉然欲驚。似靈妃顧笑。神魚進  
舞。馮夷擊鼓。白馬來迎。伍相鷗。月錢王。羽箭怒氣。強  
於十萬兵。崢嶸甚。訝雪山中斷。銀漢西傾。孤舟鐵  
笛風清。待萬里乘槎。問客星。嘆鯨鯢未翦。戈船滿岸。  
蟾蜍正吐。歌管傾城。狎浪兒童。橫江士女。笑指漁翁。  
一葉輕。誰知道。是觀潮枚叟。論水莊生。

名家詞鈔

梅村

十一

前調

小春海棠水仙並開王廉州爲寫秋林  
圖因作瓶花之供

有美人兮。宛在中央。仙乎水哉。似藐姑神女。凌波獨  
步。瀟湘極浦。洗盡塵埃。忽遇東鄰。彼姝者子。紅粉胭  
脂。笑靨開。須知道。是兩家裝束。一種人材。東君著  
意。安排。蚤羯鼓催。成巧樣。栽豈陳王賦。就新添女伴。  
太真睡起。共倚妝臺。玉骨水肌。艷梳濃鬢。妙手黃荃。



未見來。霜天晚。對膽瓶雙絕。點染幽齋。

賀新郎 病中有感

萬事催華髮。論龔生天年竟夭。高名難沒。吾病難將  
醫藥治。耿耿胸中熱血。待灑向西風殘月。剖却心肝  
今置地。問華佗解我腸千結。追往恨。倍凄咽。一故人  
慷慨多奇節。爲當年。沉吟不斷。草間偷活。艾炙眉頭  
瓜噴鼻。今日須難訣絕。早患苦重來千疊。脫屣妻孥  
非易事。竟一錢不值。何須說。人世事。幾完缺。

前調

送杜將軍改武

名家詞鈔 梅村

十一

雙髻愁來白。數威名西州豪杰。玉關沙磧。家世通侯  
黃金印。馬稍當年第一。磨盾鼻。懸毫飛檄。雅吹投壺  
詩萬首。舊當陽虎帳。春秋僻。思往事。頓成昔。天涯  
寂寞青門客。念平生。鞭箠萬里。布衣之極。滿地江湖  
漁歌起。誰弄扁舟鐵笛。正柳色依依南陌。日暮鄉關  
何處。是故人書草。沒摩崖。石漫回首。淚沾臆。

熊雪堂

文舉

曰。情語不嫌其盡。終不露英雄兒女

本色。似劔南老子晚年句。

王阮亭

士禛

曰。婁東祭酒長短句。能驅使南北史。

爲體中獨創。且流麗穩貼。不徒直逼幼安。

丁飛濤

澎

曰。有以梅村比吳彥高曰。吳郎近以樂

府高天下。余讀其十八年來如夢。萬事淒涼一

語。又元之許祭酒也。詞惟步稼軒。故無一字放

逸。但見其得力句。唾壺欲碎。頰仰固是獨絕。

聶晉人

先

曰。有欲合刻梅村香嚴棠村爲三大家

名家詞鈔

梅村

十三

詞者。以梅村駘宕。香嚴驚挺。棠村有柳欹花驪  
之致。或謂河北河南。代爲雄視。未若三公之肯  
之一也。意氣迥上。感慨蒼涼。當以梅村爲冠。

故高天不余歸。其下八平公。而卷其妻。第一

下。其。曰。昔。以。詞。林。其。以。文。高。曰。與。韻。致。以。樂

之。意。辭。中。賦。除。其。氣。韻。不。出。在。強。賦。文

王別亭

士禛

曰。婁東祭酒長短句。能驅使南北史。

木。意。以。隱。南。史。平。就。主。曰

前。聖。堂

文舉

曰。情語不嫌其盡。終不露英雄兒女



名家詞鈔目錄

木蘭 廬陵 聶先 晉人

念奴嬌 長水 曾王孫 道扶 簋定

香嚴詞

廬江山 龔鼎孳 孝升

點絳脣 菩薩蠻 二調

羅敷媚 二調 畫堂春

眼兒媚 西江月 二調

浪淘沙 雙調 望江南

名家詞鈔 香嚴 目錄

雨中花 鵲橋仙

虞美人 臨江仙 二調

蝶戀花 蘇幕遮

青玉案 祝英臺近

驀山溪 燭影搖紅 二調

醉蓬萊 東風第一枝 二調

念奴嬌 二調 萬年歡

木蘭花慢 齊天樂 二調

薄倖 二調 風流子 二調

惜餘春慢

沁園春 四調

賀新郎 二調

十二時

名家詞少香嚴



賀新郎 二調

十二時

賀新郎

沁園春



香嚴齋詞

盧江 龔鼎孳 孝升

點絳脣 詠草和林和靖韻

簾外河橋綠圍裙帶無人主繡鞦行處踏碎梨花雨  
目送春山南浦烟光暮牽春去柔腸無數蘇小門  
前路

菩薩蠻 雨後看月用李太白閨情韻

嵐光倒影金波織洞簫吹散孤雲碧吳越此南樓遮  
燈有莫愁迴廊人小立漏箭催何急送月兩三程

名家詞鈔 香嚴

濕鶯低柳亭

前調 代友惜別

斜陽初作黃昏雨天涯就是門前路莫踏柳絲橋柔  
腸一萬條花愁沾玉竿迴袂春星下不惜褰歸期  
從頭溫別離

羅敷媚 西陵用蘇小小

油車寶馬春風路天付多情小是花名占住西陵柳  
絮城幽蘭泣露吹羅帶月與身輕芳草還生薄倖  
斜陽看喚卿

前調

櫻桃風熱青梅老。雪打蘋香。春去橫塘。不憶當年也斷腸。六朝環珮芳烟散。瘦了鴛鴦。人代淒涼。紅粉英雄哭一場。

畫堂春

代友人贈所歡

玉芙蓉。剪柳絲。眉花因解語。頭低闌干。約略小腰圍。不爲春歸。睡重惱開鸞鏡。燈昏揉碎烏絲。淺瞋深妬。任嬌癡。畢竟憐伊。

眼兒媚

郎懷

名家詞鈔

香嚴

二

桐洗窻紗葉。墜秋翻動。一春愁。玉鞭酒市醒來。斜月醉裏朱樓。柔腸憔悴無人見。見卽恐花羞。試拋腦後。陡來衾底。又嵌心頭。

西江月

廣陵寄憶用史邦卿闌思韻

別怨暗移青鏡。春愁倦聽紅牙。揚州燈火絳樓紗。不似石頭城下。伴我郵亭孤月。負他寒食梨花。沒來繇事誤天涯。玉笛當風此夜。

前調

渡江作

箭打亂潮柔櫓。鴉翻古渡青旗。春江玉雪鑿鬚眉。俊



眼○相○看○似○此○長○劍○錦○驄○香○夢○寶○釵○鈿○瑟○男○兒○人○言○  
無○淚○灑○離○時○不○稱○英○雄○淚○耳○

### 浪淘沙

翠○憶○報○花○來○春○恨○重○栽○西○風○吹○夢○上○妝○臺○舊○夢○不○留○  
新○夢○遠○影○裏○徘徊○客○思○遶○秋○苔○鐵○馬○驚○開○銀○牀○冷○  
落○薛○濤○才○細○展○紅○香○温○麗○句○一○字○千○猜○

### 雙調望江南

戲和秋嶽韻

華○燈○畔○春○眼○溜○微○波○小○閣○名○香○籠○繡○帶○畫○簾○人○影○似○  
輕○羅○妙○處○不○須○多○癡○蚊○蝶○生○就○統○織○蛾○玉○碾○蟾○除○

### 名家詞鈔

香巖

三

天○上○夢○風○憐○翡○翠○座○中○歌○多○事○憶○鸞○韉○

### 雨中花

殘梅同秋嶽作

半○捻○銀○梨○雲○乍○瘦○一○帶○碧○欄○風○欲○皺○問○月○似○芳○魂○池○  
憐○春○影○可○記○橫○斜○候○幽○磬○押○簾○燈○火○後○霞○帳○薄○寒○  
香○透○漸○花○怯○籠○屏○人○慵○倚○笛○打○墨○風○光○漏○

### 鵲橋仙

樓晤用薊林七夕韻

紅○牋○記○注○香○糜○勻○染○生○受○綠○蛾○初○畫○挑○琴○擘○阮○太○多○  
能○自○寫○影○養○花○風○下○月○低○金○管○帶○飄○珠○席○兩○好○心○  
情○難○罷○芳○時○不○慣○是○烏○啼○願○一○世○小○年○爲○夜○

虞美人

同內人湖舫送春用曹秋嶽韻

春○光○九○十○原○嫌○窄○。閃○殺○飄○零○客○。啼○花○淚○逐○水○東○流○且○。  
載○銀○樽○綠○鬢○盡○。情○遊○千○山○。罨○畫○吹○紅○霧○。却○改○離○亭○  
路○長○條○攀○折○一○番○新○。囑○付○明○年○還○。傍○可○憐○人○。

臨江仙

除夕獄中寄憶

不○記○今○爲○何○夕○。隔○牆○鐘○鼓○催○春○。逞○風○花○草○太○無○因○。籠○  
香○深○病○色○罷○。酒○得○愁○身○。料○是○紅○閨○初○掩○。清○眸○不○耐○  
羅○巾○。長○齋○廿○伴○鸕○鶒○貧○。忍○將○雙○鬢○事○。輕○報○可○憐○人○。

前調

同內人湖舫送春用歐陽永叔韻

名家詞鈔

香嚴

四

誰○遣○封○姨○吹○畫○幟○。晴○湖○蹴○作○濤○聲○。輕○寒○羅○袖○最○分○明○。  
催○花○落○盡○。此○別○太○生○生○。薄○福○東○君○應○自○悔○。一○春○雲○  
幔○風○旌○。雙○蛾○小○皺○。穀○紋○平○。夕○陽○無○賴○。不○管○鈿○釵○橫○。

蝶戀花

湖上春雨用吳修蟾韻

宛○轉○珠○欄○烟○共○倚○。薄○捲○微○寒○。小○坐○香○肩○比○。乍○聽○曉○鶯○  
啼○夢○裏○。海○裳○又○濕○鸚○哥○嘴○。柳○外○蘭○橈○添○漲○水○。黛○淺○  
頻○深○。雨○過○千○峯○矣○。瘦○損○落○花○擎○不○起○。春○來○一○味○愁○而○  
已○。

蘇幕遮

同內人湖舫送春用范希文韻



粉香城歌舞地。明月今宵。偏照雙峯翠。一夜碧蟾涼似水。爲送春歸。特到紅窓外。五更愁千疊。思對月端詳。不許垂楊睡。珠箔檀肩長共倚。斷鼓零簫。迸入畱春淚。

青玉案

虎丘踏月用賀方回春暮韻

金闈個是迷香路。又月底移船去。風定石坪笙管度。吳王虹劍。貞娘珠粉。兒女英雄處。草痕短簿荒祠暮。入望寒山夜鐘句。自負多情天應許。要離年。建館娃人去。一陣催花雨。

名家詞鈔

香巖

五

祝英臺近

聞暫寓清江浦用辛韻

綠烟橫。蘭漿渡。金犢偃淮浦。細草春寒。過盡斷腸雨。望中雀扇雲衣。溫存無據。枕邊心。關山畱住。莫輕覷。柳外無盡長亭。朝朝背人。數河上雙鷺。聽否咒花語。更愁香夢來尋。重添離處。卻也遣病魂隨去。

驀山溪

送別出關已復同返用周美成韻

清波桃葉。幻出劉郎路。兩槳載鴛鴦。透金鎖。重城幾處。低幃促坐。長似玉牕西。行不得。且雙歸。蝶蝶香中去。重來問巷盡日。飛紅雨。消息動陽關。暗凝愁繞。

花鐘鼓朱深碧淺。一幅可憐春。休進酒與調箏。只結同心縷。

燭影搖紅

方密之索賦催粧卽用其韻

一揖芙蓉。閒情亂似春雲髮。凌波背立笑無聲。學見生人法。此夕歡娛幾許。喚新妝、佯羞淺答。算來好夢總為今番。被他猜殺。宛轉菱花眉峯小。映紅潮發。香肩生就靠檀郎。睡起還凭榻。記取同心帶子。雙雙縮。輕綃尺八。畫樓南畔。有分鴛鴦。預憑錦札。時子南鴻初至

前調

吳門元夜值雨和張材甫韻

名家詞鈔 香巖

六

花信爭傳。玉鈞草色寒猶淺。雨絲風片帶紅愁。誰記張燈宴。粉霧檀雲暗捲。伴名香、銀梅小苑。畫橋烟暝。酒市人歸。寂寥絃管。金翠吳宮。燭龍幾照朱門換。青驄紈扇。憶長安。人醉雕闌。遠十里香塵不斷。惜流年歡長漏短。月迷江館。客散旗亭。一行春雁。

醉蓬萊

為仲弟孝緒壽用葉少蘊上巳韻

快花前樽滿十里笙簫。畫船來去。追數流光。歎年年征旅。雁塞蛟宮。越旗江火。隔對牀風雨。亂後重逢。箏燈如夢。客懷難語。一散騎身強。士龍名重。天海行藏。



肯○同○繞○絮○舞○榭○徵○歌○笑○絳○磬○何○處○去○國○雄○姿○憑○高○青  
眼○漸○斗○橫○銀○浦○白○首○相○看○丹○霄○過○我○更○拈○陰○句

東風第一枝

樓晤用史邦卿韻

風○絡○霞○絨○蓮○鋪○金○索○橫○橋○檀○霧○吹○暝○玉○奩○半○嬾○春○妝  
一○笑○上○樓○人○淺○朱○衾○畫○幔○緊○圍○定○夢○愁○心○軟○自○題○名  
年○少○多○情○不○及○杏○梁○朝○燕○雲○母○閣○主○司○青○眼○團○扇  
第○書○生○靚○面○醉○扶○壁○月○飛○瓊○鎖○合○柳○烏○小○苑○珊○瑚○聯  
枕○楚○雨○逕○神○峯○如○線○愛○紫○蘭○報○放○雙○頭○恰○好○阮○郎○初  
見

名家詞鈔 香嚴

七

前調

春夜同秋嶽作

鳳○瑄○排○烟○鴉○笙○沸○月○歲○華○初○到○街○鼓○柳○絲○約○定○歡○期  
花○信○吹○開○恨○處○今○宵○酒○酸○又○勾○引○蝶○翻○蜂○聚○近○小○窓  
紅○雨○生○生○微○作○一○簾○芳○霧○飛○艷○縷○紫○絨○偷○度○挑○錦  
字○玉○麟○舊○侶○遠○山○千○疊○銷○魂○畫○屏○一○聯○繡○句○旗○亭○蕊  
檨○訝○批○抹○雙○鬟○何○據○趁○好○春○安○頓○心○情○莫○遣○少○年○空  
去

念奴嬌

中秋得南鴻喜賦用東坡韻

遠○鴻○飛○送○有○傾○城○玉○杵○龍○綃○踪○跡○小○字○鴛○鴦○顛○倒○認



憑仗晶盤凝碧。密約鵲花深。願謝柳打破春愁。國秋  
燈分照。短長程已親歷。爲想翠管輕籠。綠窓低喚。  
軟欵憐征客。迢遞江南。天北意。佳事恰宜。今夕。銅合  
香濃。鸞臺雲熱。狂欲生雙翼。水蟾遙共。畫樓人在。吹  
笛。

前調

感春和雪堂先生

凭欄無賴。受東風冷。賤。瞞人情緒。一夕梅魂。芳霧散。  
把酒頻澆黃土。露浥金鈴。烟籠粉慢。似聽醪醑語。啼  
鵲初瘦。月高誰作花主。分付。柳千條。小闌干外  
舞。

名家詞鈔 香嚴

萬年歡

春初繫釋用史邦卿韻

一笑東風喜寒梅尚繁。香散瑤雪。携手花前。重見酒  
杯豪發。鐵石銷磨未盡。算只有風情癡絕。生拋撇瘴  
戩。蠻裝更央。珊瑚枕埋骨。而今虎鬚怒。嶺料天荒地  
老。比翼難別。絡粉調笙。還讓引裙人物。儘取頭廳重  
印。肯換卻織。織霞韞。甘心畧錦隊。鉗奴五湖。編管烟



厚天... 木蘭花慢 和害堂先生感懷

鏡中腸斷絕愁萬種不分明正柳憶烏啼雲迷馬角  
惆悵前生東風恰吹恨到又酸酸楚楚兩眉橫怪底  
檐花如雨杜鵑長是吞聲 且昭陽粉黛記將迎翠袖  
五株輕忽淒管催霜繁笳沸月好夢難成休言畫工  
妝點便淺啼微笑也心驚慙愧紅塵斷梗負他碧澗  
香羹

齊天樂

初夏湖樓看雨用史邦卿湖上卽席韻

名家詞鈔 香嚴

烟橈一點如鷗小衝散碧波來去蝶老韓憑花辭謝  
豹丟下惱人春雨青螺幾許儘鏡暝屏遮夢迷遙渚  
一半樓臺酒旗低捲畫中樹 依然寒食院落柳塘  
蛙鼓畔榆錢青聚乍改輕衫還熏密坐猜殺雙棲紅  
羽雲連繡柱任門外蕪香屐痕多阻青絕空濛驗前  
人好語

前調

湖上平日用吳修蟾和周美成韻

遠峯吹散雕闌雨遊人畫橋三五彩鷁風高繡旗日  
麗又弔一年湘楚釵符綴虎也嬌小窺簾笑低金縷



如此湖山半分歌吹送重午。樽前初拭醉眼問靈

均去後與誰終古屏枕薜潮扇搖玉雪同賦采蘭新

句菱舟曲度漸棹入荷心月痕留處願趁佳時普天

銷戰鼓又擊氣韻不補神驚令烈香鼎煖燈香盡

薄倖春明寄憶題國報臨十里空餘管別

粉城春市繫馬慣誰家蕩子別袖裏菱花偷見驀地

錦簾千里照小窓雙蒂銀蟾深隣密喚曾如此有賦

玉輕鉤玄雲濃繞芳夢黏人難起數不盡同心咒

休算作冶遊驅使怕金鈴聲瘦青驄天遠倚樓腸斷

斜陽裏晚香橫几對真真暗嗚情場不負鸞釵紫鴛

裊鳳綬端值龍沙一死人讀以嫌不盡同心咒

前調秋嶽將以病去湖上留飲寓齋命製一

碧簾風綰度早燕花橋月棧喜賽酒歌樓人在共試

錦燈春眼倚曉欄銷瘦腰圍晴湖十里空絲管恨鳳

珮星遙攻箏屏隔不耐啼鶯冷暖看麝粉經行處

調馬路綺羅飄散待青翅雙髻香添半臂片帆吹送

吳趨緩聚稀歡短勸烟筇彩纜多情莫負金樽滿江

頭鼓角惱亂秦臺楚館

名家詞鈔 香嚴



風流子

春明寄憶

相思明月社推桃燕。一代水邊樓。憶黛比岫遙花和人瘦玉圍屈戌珠寫筵篔簹銷魂別淚如巫峽雨心逐廣陵舟。乳燕幕開錦箋難託蜜蜂房閉香粉都收紅窓携纖手雙雙把鴛盟訂在新秋。只道霎時金屋管其間愁張楸生綺陌誰家弄笛露涼小苑何處藏鉤七夕看看過了。夢見還羞。

前調

社集送春和舒章韻

柔絲牽不住眉尖小一蹙又斜陽問紅雨灑愁幾番

名家詞鈔

香嚴

十一

離別綠蘋漾恨何代蒼菴子規說麝迷青塚月珠墮馬嵬粧苔臥錦錢橫拋芳影燕衝簾蒜偷覩柔腸前歡真如夢流鶯懶風日在媚銀塘擔閣背花心性淚不成行歎樓空杜牧濃陰乍滿人分結綺落粉猶香拈合一春滋味彈出伊涼

惜餘春慢

追春用吳修蟾餞春韻

綠幃縫愁紅泥埋恨盡是東風花草晴翻麥雉雨關柔鳩誰記畫樓鶯曉當日林移永豐三楚腰肢入官鐵小到如今香雪飄零何處玉驄稀少看不上明

月無情。鳳簫金管。冷覩黃昏新惱。胭脂井畔。燕子樓頭。一片粉灰珠掃。青帝拋人。幾時潘鬢沈圍。年年空老。尚癡心春在。平蕪。央取亂峯遮繞。

沁園春

讀其年詞次阮亭韻

髯且無歸。縱飲新豐。歌呼拍張。記東都門第。賜書仍在。西州姓字。複壁同藏。萬事滄桑。五陵花月。闌入誰家。俠少場相憐處。是君袍未錦。我鬢先霜。秋城鼓角悲涼。暫握手他鄉。似故鄉。況竹林賓從。烟霞接軫。雲間伯仲。宛雒寒裳。媛玉燕姬。酒錢夜數。綰鬢風能障。綠楊聞此。闕恐清平。絲管爛醉沉香。

名家詞鈔 香嚴

十二

前調

再和其年

若爲吾歌。吾復爲君。軒乎舞之。恨天涯香草。魂銷欲別。江南紅豆。淚裏相思。殘葉西風。征鴻故國。神武之冠。我亦辭。偕往耳。肯佳人遠道。夢想桂薇。才華雪艷。烟霏。算世上無多。天上稀。總狂餘。故態嶽嵒。歷落情鍾我輩。輪囷離奇。入手扁舟。稱心鰕菜。但說招携。色已飛遊。倦矣。卻銅籤夜漏。響徹璇題。

前調



君勿過河。濁浪滔滔。魚龍奮揚。乍城頭吹角。秋陰蕭  
瑟。橋邊問渡。烟柳冥茫。珠樹三枝。銀缸一穗。醉裏鄉  
心。低復昂。憑夜話。較青山紫閣。何計爲長。偶然游  
戲逢場。有惡客衝泥典也妨。美人如初日芙蓉掩映。  
門開今雨。裙屐迴翔。此客殊佳。吾衰已甚。安用車輪  
更轉。腸相勸取。且酒寬嵇阮。花駐求羊。

前調

文士何如。不數紛紛。材官蹶張。縱通侯祭。戟鳥衣零  
落。凌雲詞賦。狗監摧藏。清吹西園。錦箏北里。驚坐人  
來一擅場。還抖擻。儘新沙似雪。古月如霜。哀絲譜  
出伊涼。快挾彈鳴鞭。趙李鄉。更雙鬢捧出春風。羌笛  
九天吹下霧縠霞裳。法護僧彌。紫囊玉塵。大小兒呼  
孔與楊。高詠罷。似明璣翠羽。掃後猶香。

名家詞鈔

香嚴

三

賀新郎

湖上。午日追和劉潛夫端午韻。

銀篆香雲吐。晝偏長。碧梧庭院。玉肌無暑。贏得青山  
安穩在。何處爭龍鬪虎。恰畫艇。一雙飛渡。多少繁華  
風絮盡。算幾時。重起新簫鼓。身未老。待歌舞。西陵  
花月應相許。喚深情。大蘇蘇小。對澆芳醕。萬事不如

杯共把請看離宮麥黍空滿眼鷓夷濤怒漁父當年  
非憤俗果孤清歌醒人徒苦吾醉矣莫懷古

前調

其年將發秋夜集西堂

一曲驪歌發正秋宵露寒金井星踈瑤闕江上青楓  
如有約夜半落潮如雪留不住故人明月自是五湖  
烟水好笑東華塵土埋黃髮路最怕羊腸未唾壺  
如意應敲折古今來英雄兒女都爲情物孤憤信陵  
游戲事畢竟千人之傑看轉眼烟雲變滅萬事不如  
歸計穩聽杜鵑枝上三更月寧買菜更求益

名家詞鈔

香嚴

十四

十二時

浦口寄憶用柳耆卿秋夜韻

隔江樓月湧銀濤偏是紅綿難洗正絮撲棠艸星稀  
蕙幄慊慊花氣中酒心期垂簾時候旅館疎燈起殘  
堞外一片荒鷄一半畫笳吹到孤眠人耳幽夢中  
重尋後會豈似麝裊同繫笛瘦寶鞍釵斜玉鏡寸寸  
含情地別路千萬疊長亭只在望裏暗付量藍橋  
約近略領三生恩意兩字驪歌暫時南浦豈負濃香  
被宛轉官柳側終憐好春輕棄



鄒程村

祇謨

曰小詞不學花間則當學歐晏秦黃。花間綺琢處於詩爲靡。而於詞則如古錦紋理。自有黯然異色。歐晏蘊籍。秦黃生動。一唱三嘆。總以不盡爲佳。清真樂章。以短調行長調。故滔滔莽莽處。如唐初四傑作七古。嫌其不能盡變。至姜史高吳。而融篇煉句。琢字之法。無一不備。今惟合肥兼擅其勝。正不如用修好入六朝麗字。似近而實遠也。

聶晉人

先

曰合肥才位德望。可謂盛矣。至其憐才

名家詞鈔

香嚴

十五

好士。汲引後學。一往情深。久而彌篤。恐前哲名賢中。亦不易得也。其爲小調論者。稱其冰心鐵骨。饒有玉潤珠鮮之致。一夕余試歌於溪雪哀弦之次。其聲宛轉沉鬱。悲壯激揚。爲之踊躍。爲之黯然。

名家詞鈔目錄

廬陵 聶先 晉人

長水 曾王孫 道扶 纂定

文江詞

吉水 李元鼎 梅公

搗練子 二調 法駕薰引 二調

如夢令 三調 長相思

醜奴兒 菩薩蠻

減字木蘭花 卜算子

名家詞鈔 文江目錄

清平樂 西江月 二調

南歌子 四調 浪淘沙

南鄉子 雙調望江南

玉樓春 蝶戀花 三調

臨江仙 漁家傲 三調

定風波 千秋歲

御街行 霜葉飛

蘇州 吳興 晉人



文江酬唱

吉水 李元鼎 梅公

搗練子 和曉看春色

粧乍洗。露芳容。楊柳腰輕不耐風。遙望橋西桃李色。

一江春水駕雙虹。

前調 和晚眺秋汀

簷雨滴。岫雲濃。溶溶碧水映愁容。底事芙蓉羞不解。  
滿頭釵鈿怨飛蓬。

法駕導引

暮冬送裕兒公車過秦淮  
和遠山見懷原韻二首

名家詞鈔 文江

楊帆轉。楊帆轉。得句共誰拈。風雪祇堪遊客醉。江湖  
惟有歲年添。頻頻吉兆占。

前調

垂楊柳。垂楊柳。莫漫繫歸船。繡戶香生鶯喚枕。玉階  
浪暖馬嘶鞭。夜夢幾回旋。

如夢令 和懷歸

庭苑曉風吹透。正是明月時候。行過碧闌干。一帶綠  
波常皺。消瘦消瘦。那得容顏如舊。

前調 和泛舟二首

夢到潯陽九派。依舊雲山遮礙。浪濶雁鴻遙。堪笑燃犀照雉。歎乃歎乃。夜夜船空月載。

前調

咄咄向空書怪詩。了還添酒債。朝暮看雲。煙過眼。皆成身外。知戒知戒。勞逸惟憑大塊。

長相思

和思歸

望雲山。過雲山。身似羝羊進退難。青衫淚點斑。說辭官。又之官。林下何人把釣竿。負他雙岫丹。

醜奴兒令

和雨後聽琴

名家詞鈔

文江

二

稀疎紅翠簷前滴。葉上珠圓。牆外聲喧。愛聽新涼起。亂蟬。逃名疑在青山麓。受用涼天。一曲遊仙。撥碎西風指上絃。

菩薩蠻

和遠山見懷原韻

梧聲夜促他鄉客。干戈滿路天涯窄。把臂問投林。空堦凋綠陰。菰羹村釀美。好釣秋江水。楓落布帆收。漁歌何處悠。

減字木蘭花

和遠山有和原韻

雨朝晴暮。艷似芙蓉花上露。墨瀋難收。一派秋聲紙



上幽。倩他傳語。應識霜砧往來處。曲徑蕭蕭。不定  
楊花隨地飄。

卜算子

兒裕購小砵與母對奕云以馬敵將遠山喜而有作因步原韵

驥子與龍媒。勝我駑天馬。切莫痴頑似阿翁。便是佳  
兒也。當日夢飛熊。始信璋非瓦。願汝聰明讀父書。  
出馬應誇者。

清平樂

和元日試筆

銀缸焰吐。照徹梅粧五。夜半忽驚天欲語。做出風風  
雨雨。朝來品彙扶蘇。韶光漸漸堪娛。乍溢筆端清  
韻。待看客到仙臬。

名家詞鈔 文江

三

前調

風飄韻吐。柳種陶君五。漏洩春光倩雪補。猶雜些兒  
舊雨。深山已斷樵蘇。荒城且足歡娛。酒盞閒斟新  
醞。天邊任落飛鳧。

西江月

和詠雪

剪剪寒枝亂落。紛紛素羽飄零。孤光皓月淡無馨。不  
與群芳角勝。細裊爐煙對語。閒烹茗茗聯吟。關山  
玉笛一聲新。揉碎鄉思莫整。

前調 和暮春雨後

春似被風吹去。花應爲月稍留。了無情緒怕登樓。舊事子虛烏有。輕絮不粘好夢。新蒲慣繫鄉愁。王孫歸騎興悠悠。空害那人消瘦。

南歌子

和秋宵寓滄浪亭聞捷四首

南國音書斷。愁來欲問誰。可堪救趙信陵椎。風波無定聽罷又還疑。思發尋源棹。仍攢入社眉。閉亭寥落夕陽遲。贏得微酣香閣對吟詩。

前調

名家詞鈔文江

四

烽火連南北。嫖姚將是誰。戟門饗士費牛椎。王師過後鵝鴨亂猜疑。鼙鼓飜銀浪。砧聲鎖翠睂。飛舸猶恨會兵遲。看取秋清月朗捷來時。

前調

樹色檣間翠。波光鳥外明。忽聞鼓角動旗旌。道是樓船下瀨趁秋深。蜃市空傳檄。天河欲洗兵。蛩聲斷續耳邊傾。圻聽鏡歌千里暮雲平。

前調

兔兔方滋露。蟾光獨夜明。簾纖細雨溼霓旌。何事寒



官。寂。寞。鎖。高。溪。吹。微。煩。絃。管。澄。鮮。賴。甲。兵。凱。歌。風。  
送。斗。斜。傾。爲。看。清。輝。依。舊。海。氛。平。

浪淘沙

和七夕納涼聞琴

新浴罷梳粧。小坐閒房。冷風吹透紫羅裳。何處琴清  
驚客夢。東壁西廂。試指下暗生香。悠遠飄揚多情天  
上有牛郎。月下鵲橋僊子渡。准擬雙雙。

南鄉子

和遠山思親

滴滴數更籌。雨打芭蕉聲未收。遙憶尊親思覲面。悠  
悠萬疊雲山萬疊愁。賴有鳳凰儔。魂繞庭闈悔遠  
遊。舞綵班輿知甚日。堪憂。白髮龍鍾獨倚樓。

名家詞鈔文江

五

雙調望江南

和南歸期虎丘觀月

因。甚。事。攜。手。又。重。分。淮。水。潭。深。迷。夜。雨。吳。江。楓。落。冷。  
秋。汀。客。裏。怕。聞。砧。忙。發。棹。只。尺。隔。歸。程。鷓。首。風。清。  
寒。漏。角。虎。丘。涼。月。赴。遊。人。把。酒。話。鷗。盟。

玉樓春

和韻

春歸未把歸期卜。薄洛津頭空碧玉。輕橈何處泛蘭  
槳。寒食看看將百六。飄紅片片依殘綠。燕蝶勞勞  
忙不足。小窗醉酒惜芳辰。夢繞家山山一曲。

蝶戀花 春暮和韵

似覺鶯花相對語。却道春歸。可惜人猶未。積雨凝寒  
如戀絮。遙知情繫深閨裏。賸有如許閒愁緒。想度  
清宵。端的饒佳句。漫托孤燈聊自慰。荒城斗大惟三  
里。

前調

和聞笛韻時從浙歸

听。听。奇峰驚聳峭。山水依稀。不覺扁舟小。未曙聲聲  
帆掛早。愁聞草際啾啾鳥。常玉山頭又過了。漸近  
家鄉。幼小堪提抱。一抹遙青朝爽好。開蓬浦水真來  
到。

名家詞鈔 文江

六

臨江仙

和題海昌詞本

聞道碧窗針線暇。詩筒風月勾消。何當刀尺枉瓊瑤。  
憂魂飛不到。淚逐雨絲飄。蘇蕙文君俱退步。茂漪  
書格藏嬌。柔情不斷似柔條。恍聽雲外響。雁影度虛  
寥。

漁家傲

江鄉靈雨屋舍盡淪偶同遠山  
關西湖志共拈此調同步原韵

水溢江頭迷古道。人家多半住煙島。蕭瑟城居誰羨  
好。除却惱。芭蕉搖曳因風掃。兩兩孩提隨手抱。呼



童冒兩扶花倒先秋莫問寒霜搗知音早詩篇唱和堪娛老

前調

沒盡城南車馬道洪厓是地有仙島笑傲林泉何不好奚足惱煙雲落筆還堪掃永晝閒眠書在抱玉山醉後憑誰倒香杭溼盡人難搗須計早扁舟覓得尋三老

前調

方寸無多閒自悄勞雲倦霧宜收潦細看眼前何事

名家詞鈔文江

七

好。乖。素。抱。鯨。鮞。橫。肆。虬。龍。剿。行。雨。瓶。空。師。自。老。郊。衢。咫。尺。帆。檣。道。古。木。誰。憐。霜。露。飽。花。欲。笑。庭。堦。爛。慢。香。風。曉。

定風波和書屏

把酒花前樂事多世間能得認真麼金盞幾傾憑誰賞堪想關情莫惜醉顏酡秉燭屏間絃管亂試看湘簾微隔夜如何檀板輕敲香篆裊縹緲閒庭一曲奏新歌

千秋歲和雪霽

遊絲粘砌。漸覺清光媚。鐘欲斷。雲初起。輕寒餘雪悄。茗戰鑪煙沸。還問取。從來萬事無如醉。有箇閒風味。歸棹隨江水。聽說罷。情難已。池邊芳艸綠。簾外鶯聲碎。宜也。花開花落誰容易。

御街行 和九日

霜鐘曉角動晴寒。林葉響珊珊。滿城盡道登高去也。幸喜雨歇雲開。佳人紈扇。王孫芳艸。促我鬢毛班。攜將屐齒踏層巒。興到恐忘還。一聲又聽歸鴻度也。漫說水剩山殘。關河曠遠。黃花紫蟹。且放酒杯寬。

名家詞鈔 文江

霜葉飛 初冬睡起示遠山

蛩辭秋艸。霜花亂鴻聲。叫徹天表。敗荷殘菊共流連。陡覺寒輕悄。聽碎碎雀兒噪曉。窗凝曙色。剛春小。見墜葉紛飛斜影上。羅幃却羨旭日徧照。約畧屈指。光陰橙黃橘綠。塞外朔風來到。落英砌枕。臥芳馨也。趁人懷抱。爲惜清宵又過了。驚心漸譜梅花調。望家山。關河杳。旅夢初迴。閒情多少。



王阮亭士禎曰。司馬風神玉立。望之如神仙中人。

又得遠山夫人。伉儷倡酬。文江一編。不減金石千卷。故爲拈冠倚聲。並傳錢蒙叟杜少君兩序。以作千秋佳話云。

鄧孝威

漢儀

曰。文江詞。清真澹雅。而無富縉之累。

深微高邈。而無膚淺之譏。體格樸雅。而風神自爾秀暢。骨懷磊落。而氣韻復極安閒。其得花間之正傳者乎。

聶晉人先曰。吾鄉梅公侍郎之詞。極爲藝林推重。

各家詞鈔

文江

九

此稿爲曹秋嶽先生手抄。內多未刻酬唱。較雲間張硯銘董蒼水兩孝廉藏本迥異。其遠山夫人原唱。已另冠各媛詞鈔之前。茲卷不列。

公以并于楚曲精注

又得遠山夫人真蹟。即顧文正一語。不類金

王阮亭

士禎

曰。同風神玉立。望之如神仙中人。

名家詞鈔目錄

青玉案 廬陵 聶先晉人

纂定

長水 曾王孫 道扶

寓言集

長水 曹溶 秋嶽

十六字令 荷葉盃

望江南 二調 浣溪沙 二調

霜天曉角 巫山一段雲

卜算子 二調 採桑子 二調

名家詞鈔目錄

減字木蘭花 二調 清平樂 二調

青衫濕 西江月

浪淘沙 二調 南鄉子 二調

虞美人 四調 玉樓春

身踏莎行 蘇唐多令 二調

臨江倦 二調 蝶戀花 二調

初娘兒 醉春風

青玉案 八月上海棠

祝英臺近 一叢花



踏春游

一調

最高樓

一調

東風齊着力

滿江紅

六么令

二調

滿庭芳

二調

漢宮春

水調歌頭

天香

一調

燭影搖紅

二調

倦尋芳

揚州慢

孤鸞

一調

璽瓏四犯

念奴嬌

五調

解語花

萬年歡

三調

桂枝香

一調

名家詞鈔

寅錄

水龍吟

二調

木蘭花慢

二調

齊天樂

一調

珍珠簾

二調

瑞鶴仙

石州慢

春雲怨

喜遷鶯

綺羅香

霓裳中序第一

花心動

永遇樂

二調

尉遲杯

望湘人

一萼紅

二調

風流子

沁園春

二調

賀新郎

二調

摸魚兒

八調

大酺

多麗

各家詞少寓言

三



對魚兒  
八調  
大酺



寓言集

鴛湖 曹 溶 秋嶽

十六字令

閨情

輕認得伊家畫屨聲。花邊遶。歎蝶不曾驚。春去又今

荷葉盃

怨思

乳燕脚泥飛過。獨坐。邂逅粉郎游。捧觴含笑撥箜篌。留麼留麼留麼留麼

望江南

本意

江南遠。乳燕不曾來。千里信回春水濶。一年人去野

名家詞鈔

寓言

棠開香閣在塵埃。

前調

江南別。舊淚一雙流。笛弄夜涼關路黑。蟲懸葉老玉

衣秋且莫盼蘭舟。

浣溪沙

閒情

陌上髯蘇唱柳綿。載花須趁越江船。惜春春去又今年。靜館碧樽閒客夜。輕風紅藥恨人天。新來何處

得輕憐

前調 春怨

鶯粟花開又別家。靡蕪綠上小窓紗。粉牆西去卽天涯。  
白雨偷將春令換。黃昏慣使客心邪。愁來那得好山遊。

霜天曉角 春怨

亭陰弄碧。懶把金樽側。莫怪淚痕常滿。與東風舊相識。  
芳信連歲隔。玉簫吹不得。最是慳慳心性。比垂楊更無力。

巫山一段雲 偶詠

蝶戲湘裙帶。花脚寶髻絨。深深妝閣乍相逢。眉黛爲

名家詞鈔 寓言

誰濃。婉步疑生月。嬌歌不耐風。寄情搖曳玉光中。  
休更托春葱。

卜算子 偶見

孤簾隔花涼。雙燕催人起。香徑秋波瞥地生。綠皺眉  
峯底。咫尺對芙蓉。未許鴛鴦倚。若問從今悶若何。  
心在重門裏。

前調 查伊璜携歌姬過

宮樣晚妝鮮。一隊湘蘭弱。道是才人撮合成。嫵媚終  
難學。簫管鬧花場。舞袖搖金雀。漫信雛年不怨春。



意思燈前覺

採桑子

查伊璜兩度出家姬作劇

舞衣貪著吳宮錦。花簇雙靴。山畫長蛾。待訴衷情隔絳河。新詞填就勤分付。衆裏驚波。道字偏訛。惹得周郎顧轉多。

前調

雲寒秋夜

隔牆絃索無心聽。挑滅銀燈。暗憶平生。白髮蕭蕭酒易醒。月華風定芭蕉冷。樓上三更。不住鷄聲。一枕江南夢未成。

名家詞鈔 寓言

三

減字木蘭花

紅葉

霜酣千樹。踏遍洞庭西去路。不爲傷秋。只當花林爛熳游。山橋野岸。尚有垂楊青一半。落盡金風。看入誰家錦字中。

前調

沈家歌姬

編雲作隊。避人慣在深簾內。已許相看。却又移燈遠翠盤。腰肢漸瘦。惜春不耐清明後。莫和秦箏。要聽香喉第一聲。

清平樂

題壁

銅陀巷陌。較遜吳天碧。乳燕未來香寂寂。玉粲成閒。  
客。鬢絲新點春霜。佛樓冷。盡行裝。少許麴生風味。  
費他一夜迴腸。

前調

偶來津館。望裏水花滿。月白夢回鷄不管。只覺銅壺  
煖。雲芽細煮孤鐺。蓬山隔了層城。任說鐵腸難挽。  
淚痕還到銀箏。

青衫濕

記湖上彈琴之會

流蘇盡日垂珠箔。門外紫苔斑。喚茶鸚鵡。金籠前後。

名家詞鈔

萬言

四

徐露青鬟。自憐纖指。大家風調。寫盡幽閒。繡囊深  
掛撥。殘香獸。一片寒山。

西江月

再過某宅聞歌

蓮影頻摧象拍。粉香難透蝦鬚。人間恨事可消除。惟  
有聰明最苦。數對雛鶯自語。一行弱柳誰扶。醉魂  
飄蕩憶當初。又被橫波約住。

浪淘沙

題吳園次收綸小像

痴絕此漁翁。不釣三公。吳南越北柳陰濃。萬事且須  
看脚下。海澗山空。百怪舞蛟龍。雨雨風風。熱腸歛



手是英雄。欲展經綸。還有待。人在圖中。

前調

詢孔子威墜馬

野岸石橋濱。雪色初勻。揚鞭一試紫駟新。記取黃沙沉戟地。不是花茵。持酒醉芳辰。年少腰身。羅衣低拂五陵塵。回首微聞相痛惜。樓上佳人。

南鄉子

訪傅青主

淚點爲誰紅。曾踏天街柳絮風。執手松莊春恨晚。冥濛。倦向河山數晉宮。 逃世轉情濃。破衲閒披罽縠。中說是道人終不信。英雄。白髮難令酒榼空。

名家詞鈔 寓言

五

前調

冬夜

樓上鼓初停。又叫疎鴻要客聽。歡伯近來容易別。惺惺。無計將心入畫屏。 寂寞記曾經。步盡長廊是短亭。借得簷梅傳瘦影。熒熒。燈與愁山一樣青。

虞美人

同徐敬可看林家紫牡丹

城南水漲前村路。險被青泥悞。好風扶我畫欄前。玉琢吳宮小字正當年。 王家步障栖霞滿。暈逐脂痕轉。醉中不奈拍聲催。從此映花驢馬帶愁歸。

前調

同龔芝麓沈止嶽席上觀伎



翠眉初盪晴波轉。午夜觥籌煖。一身重疊好風吹。誰  
念客腸離恨却干回。歌闌惱殺鄰鷄報。塵暗長安  
道。明朝還約臥花茵。無奈今宵已瘦看花人。

前調 春情

月斜新試珠衣舞。欲解離情苦。天涯作客更勾留。又  
向畫橋西畔賦春愁。玉鞭佳興隨芳草。萬事催人  
老。勸君長倚燭花看。莫待子規啼後憶輕寒。

前調 臘梅

檀心半吐圓如磬。別作孤山境。鴉黃本出漢宮人。直

名家詞鈔 萬言

六

待涪翁句裏一枝新。斜吹滿樹寒香蹙。此後春應  
續。霜天依約縷金泥。可惜啣花么鳳不會棲。

玉樓春

同沈止嶽南湖聽歌

船窓倚處蘋風曉。淡學內家妝束好。和歌休用十三  
絃。看取櫻桃紅綻早。五湖今夜游船少。猶勝五陵  
添蔓草。玉容扶起玉山頽。鷓鴣一生花下老。

踏莎行 春憶

宿醞紅凝。新篁綠剪。柔腸全爲雙蛾轉。最難調護是  
輕寒。簾旌斜帶楊絲捲。宮額栖鸞。仙娥舞燕。花闌



密縫曾偷見。今年春氣倍撩人。能容幾個閒消遣。

唐多令 阻風銅陵

谿館漲愁烟。寒沙落雁前。對床頭短劔蕭然。愧乏故人携酒送。漁燈畔。枕書眠。無語淚空懸。征衫似舊年。望江心白浪連天。盡把香車吹散了。剛留我倦游船。

前調 沈石友宅同王覺斯聽歌達旦

何物號多情。秋波心畔青。古長安不少銀箏。會得中年陶寫意。商女唱也輕盈。休便踏莎行。今宵換鬢

名家詞鈔 寓言

星捲金蕉添個茶鐺。縱是沈郎能譜韻。聽醉語不分明。

臨江僊 甲寅中秋次夕復同吳園次諸公飲

樓上忽驚燈影歇。吳儂不重餘宵。銀蟾靜看十分嬌。酒星還作伴。相贈彩雲高。莫話錦堂京洛事。山中畢竟風騷。秋娘爲我吮霜毫。去留無限恨。倦鵲起僧寮。

前調 旅恨

風日麗人楊柳岸。玉沙曾驟花鞦。舊游不見柳飛綿。







醉春風 有懷

歌館留殘醉。麗句揉花碎。當年百種說風流。易易。易。一路鳴蛩。半窓斜月。便成憔悴。冷色搖空砌。寶鴨爐烟細。背人爭解不思量。記記記。似柳將眠。如鶯欲語。小樓春賦。

青玉案

沈家姬卯娘善度曲戲詠卯字爲贈

花前舉樂何須忌。薄曉瞳瞳初麗。啓戶逢君嬌不語。三秋鬼魄。平分留影。垂柳東邊去。鏤成新玉剛爲字。十二時中排第四。中酒嫌人知也未。芳名檢點。春光已半。會取相迎意。

名家詞鈔 寓言

九

月上海棠 招友人看杏花

玉梅落後閒雙眼。笑時光應屬妖紅管。同樣催開。粉牆低。枝枝獨輦。春難瘦。簾外嬌波吹轉。朝來不放心情淺。絳痕微。只共輕衫。媛料理金樽好。隨風當年池館。花如故。誰信眠花人懶。

祝英臺近 太白酒樓

贖汾陽。呼杜甫。笑脫錦裘舞。古柳千條。還識酒人否。夜來鐵笛聲高。徘徊騎鶴。更何處。漁陽鼙鼓。舊游



處荒草空嵌唐碑。飛仙已歸去。憔悴青衫。詩瘦何誰。語憶他春在樓中。登樓更苦。恰剩得滿樓烟雨。

香艷偷一叢花

秋海棠

藕花開徹。試吳紈粉汗。應時乾。千番用盡濃陰力。翻輕蓓。一半闌干。弱不勝春。幽如却暑。玉魄對乘鸞。華清別派。遠長安。卯酒尚留殘。無香也。學真仙子。疑妖語。畫出宵寒。錦砌妝成。檀心吐後。只作幾回看。

踏青游

閩情

幾陣楊花院落。凄然寒食。又墮向送別樓側。任笙歌

名家詞鈔 詞言

闌珊去。旗亭野草如織。休說東風舊識。爲東風惹他相憶。自起捲簾凝眸。乍疑金勒。有杜宇聲聲將息。灞清淚常流。到大江南北。日長怕春倦。淚也有時無力。

最高樓

六橋新植桃柳志喜

長恨事。草滿宋宮城。雨漲白堤平。壞船斜泊沙邊影。老譙偷歇。夜來聲。兩難忘。情宛轉。淚縱橫。移幾樹。少年張緒。柳。勸幾盞。去官陶令。酒催歲換。捏春成。玉脾分。鏤花名巧。綃衣爭學燕雛輕。瞰澄湖。人欲寢。月



猶明。

東風齊着力

春怨

寒食初分。酸風猶急。做盡貂裘賓朋廣座。樂事也難留。况值頻吹畫角。人消瘦。懶上秦樓。駐峯底。絲絲髣雪塵滿。吳鈞遠。淚不須流。從此去。歲華暖到筵篔。陌頭草綠。輦道美人游。競勸金壺酒罷。輕帆動。細雨蘭舟。誰知是。依然冷塞。不斷新愁。

滿江紅

錢唐觀潮

浪擁蓬萊斜飛過。宋家雙闕。飄桂子。水晶宮裏誰衝。

名家詞鈔

詞言

十一

怒髮點點征帆都卸了。海門急鼓聲初發。似萬羣風馬驟。銀鞍青山裂。江妃笑堆成雪。鮫人舞。圓如月。正危樓驚起。晚來愁絕。痛飲高歌留不住。亂濤穿到蛟門歇。看英雄未死。報恩心。秋時節。

六么令

張較書舊事雲間周勣自度曲甚美遇之悵然

奈何聲裏微見兩眉皺。珠盤乍調宮徵。訝出殘鶯口。欲喚周郎再起。帳底親傳授。悞來知否。含思不語。坐待屏深。燼香獸。客願圓蟾蕩漾。合樂圍青岫。我愛孤鶴飄飄。緩酌拋紅豆。心事非關粉黛。借取消僊憇。

淚光漚透浮雲誰在每爲多才更回首

前調 宮香餅用辛韻

一從仙去莖上露盤拆龍奩競開珠鎖斜印花紋滑  
舞袖宜教薰透莫睡屏間鴨玉堦遙接着人春氣未  
試輕烟已頻覺心事多隨逝水含怨憑誰說長記  
宿火溫溫繡被深宵壓近日披裘老大荀令難重學  
石腸新怯許辭蕉酸靜聽松聲掃庭雪

滿庭芳 吳園次遷居

笠澤湖邊滄浪亭畔而今始結芳鄰論丘數壑誰主

名家詞鈔 萬言

十一

復誰賓自卜浣花深處更辭他嚴武車輪依然好年  
年松菊占斷六朝春使君高世度紫衫蒼珮不博  
閒身但移書十乘草閣無塵安問鄉關遠近得徜徉  
便屬佳辰奇懷在休營一室裘馬正嶙峋

前調

同吳香爲江文叔梅墩集高嶠游紀勝堂席上贈沙較書卽賦沙字

艷似淘金清還碾玉怕人喚作風塵溪邊送約落雁  
故頻頻漫說愁來醉臥越坡陀高下鋪勻踈狂處量  
他一斛捏就小腰身羞隨輕浪滾蓮花步暖輭盡  
無痕怪當年叱利假借堪嗔今日誰能拘管算恒河



自有仙真情何限。千堆白雪。占穩鳳樓春。

漢宮春 人日雪

金縷新妝。過帖鷄時節。酥酪堆盤。愁人合遇此日。舊臘剛殘。天公着意。厭蕭條。遊戲千般。依約借并刀剪。

水。和花飄到闌干。邊地沒些梅柳。儘無情。山色飛

去。漫漫先生向來閉戶。迴避征鞍。將裘換酒。踏瑤瑤

領畧春寒。知只有同心鳳侶。高樓自捲簾看。

欽定四庫全書

詞譜卷一百一十五

行過富春渚。絕壁倚青天。披裘男子高臥。安取客星

名家詞鈔 寓言

懸手弄桐廬。烟霧秋水不隨人老。花覆打魚船。青史

幾興廢。竿影至今圓。摘松鬣。摩蘚石。恨高寒。謝家

如意。偏到山頂。泣嬋娟。欲起雲臺。將相羅拜。先生床

下。漢鼎定。千年舊事。休深論。谿畔且安眠。

水滸 天香 姚氏牡丹

麝檻融脂。蜂衙纈翠。游人顧影宜晝。幻出珠含。斜分

錦護。宛是維京時候。依稀穀雨。枝共葉。難容春瘦。歌

樓叢粉爭翹。酒國千紅密。釵。壓倒羣芳不謬。和清

平玉環。能。否。此際爲伊憐惜。任伊薰透。野老毫尖。秃



盡又誰憐風情尚如舊。遠餞歸檣。林香晚奏。

燭影搖紅 答香侯

秋色中分。銀蟾催徹樓頭宴。五湖歸浪隔芙蓉。徒倚  
朱闌。遍誰寄題詩。紈扇。仗賓鴻。彩毫重見。遠山停雪。  
野帳傳烽。愁來庭院。未脫征衫。一年聽盡銅壺箭。  
錦騮成隊。玉關開。近息沙場戰。不信孤臣身賤。但看  
取水華拂面。難醫白髮。任說丹砂。夜涼人倦。

金轡車前調

揚州已未正月十四夜

江左名宵。六街化作流蘇結。讓他燈影乍分明。最愛

名家詞鈔 寓言

古

朦朧月。攪動閒愁不歇。遍相逢。鬧花驚蝶。裁紈扇小。  
塗粉車輕。陳隋時節。冷落紅橋。頓看簫管吹教熱。  
肯嫌芳藥未開。圍火樹層層葉。今夜何人報帖。記三  
生杜郎曾說。曲殘簾下。酒醒樓頭。春愁尚怯。

倦尋芳

招赤豹飲倦圃

五陵游歇。催買花枝重上吳阜。料襖衣塵旋覺野雲  
生。賦誰載。銅官山色到。屐高驚破。門前柳。撥寒灰。把  
屏平樂事。一番回首。怪作達於我。何有起舞闌珊。  
敲缺壺口。筆底風華。恨乏按箏纖手。自與侯鯖長話。



別故人能共青蔬。否論歡場。儘千般不如醇酒。

揚州慢

與林鐵崖陳鹿友程古狂飲

讀罷離騷。客閒無賴。臨春強自支持。向流鶯聲裏。問  
往日花枝。話神武門前佚事。澄湖魚鳥。悵快歸遲。有  
糟丘百尺黃金。盡買尊絲。飛塵塞眼。謝公山臺榭  
參差。少如雲歌伎。安邊壯畧。譜入新詞。共訝狂奴老  
矣。蒼生淚。猶似平時仗三更漁笛。迴風吹散清癡。

孤鸞

招張登子程古狂張較書集舟中飲

承平人物。半敝盡征裘。蒲頭飛雪。如此湖山。空鎖一

名家詞鈔 寓言

十五

城風月。遙天儘多蔓草。柁樓邊黛鋪青抹。客裏陰晴  
時候。任蜀鵑啼徹。且賣文沽酒。自存活。對萬馬停  
嘶。漁舍明滅。蠻柳乍來。恰補白堤春缺。藏鈎試他皓  
腕。出輕衫響生條脫。無語繫情何處。指暮雲千疊。

靈龍四犯

答袁籜菴

渚院籠雲。莎臺換暖。茶烟花底初鷗。閉門眠雪。客鶴  
髮心猶壯。長風此來破浪。莫相忘。送行刊上。親寫烏  
絲。頻催象拍。傳與雪兒唱。主人舊誇豪宕。近神疲  
盾墨。骨瘦茅瘴。百年白鳳管。五嶽蒼藤杖。平生萬事



摧頽盡剛。留得酒腸無恙。看此刻春生。更欲傾家釀。  
念奴嬌 感春和龔芝麓

游絲吹盡爲春歸。撩亂幾人心緒。欹枕長亭。聞玉笛。  
萬事何如故土。花墜宮簾。燕巢陵樹。付與漁樵語。踏  
歌燈下。讓他年少爲主。鎮日病酒孤眠。征衫不暖。  
憶得分離苦。芳草香銷。南國恨。僥倖新來雁羽。畫  
徐開珠屏曲掩。莫識留儂處。東風方便。願隨輕絮飛  
舞。

前調

爲宗定九賦東原草堂和顧菴弟韻

名家詞鈔 寓言

十六

金風吹遍。剗隋家堤影。江臯書屋。一洗近來荒索氣。  
玉髓蘭膏同沐。四壁雖空。芙蓉相對。還壓新筠熟。催  
歸小艇。漁歌聲振林木。應爲毫底花繁。逢春調弄。  
占盡三生福。沈約郊居多賦草。雌霓連蜺。誰讀七尺  
珊瑚。百年軒冕孰與餐。松菊讓君高嘯。世間餘子豚  
膾。

前調

偶見

春將歸去。爲相如四壁。臨叩無伴。特送好花樓上影。  
斜捲。押簾銀蒜。眉語呼郎。弓靴倚婢。疎蝶誰拘管。橫



波○迎○笑○又○穿○紫○陌○西○畔○此○際○依○約○窺○臣○催○成○新○句○  
寫○當○年○團○扇○風○動○湘○裙○最○苦○是○香○氣○教○人○驚○顫○粉○帛○  
頻○施○湖○光○作○鏡○着○意○回○嬌○面○重○逢○何○處○願○隨○輕○絮○吹○  
遍○

前調 戲與侍兒和李易安春情韻

載○花○歸○去○聽○霜○天○玉○笛○江○城○初○閉○柳○外○重○山○飛○白○鷺○  
愁○殺○他○鄉○秋○氣○雁○透○平○沙○蘆○鳴○驟○雨○那○得○佳○情○味○王○  
郎○陶○寫○艷○歌○桃○葉○須○寄○自○顧○短○髻○蕭○騷○難○銷○磊○砢○  
把○香○肩○笑○倚○鐵○石○肝○腸○寒○似○水○又○被○鴛○鴦○呼○起○中○酒○

名家詞鈔 萬言

十七

停○杯○傷○春○倦○繡○一○樣○灰○頽○意○五○湖○無○恙○但○卜○征○帆○歸○  
未

前調 集張登子寓樓吳姬適至

小○樓○燈○燧○喜○屏○山○近○與○眉○峯○對○映○酒○冷○黃○昏○聽○宿○雨○  
客○子○愁○腸○無○定○銀○管○生○塵○玉○奩○隨○浪○各○自○成○孤○另○相○  
憐○何○事○語○香○簾○側○紅○凝○回○想○年○少○風○流○絲○管○吳○城○  
強○半○因○花○病○春○色○拋○人○容○易○也○翻○蝶○空○餘○情○性○錦○纜○  
橫○江○珠○鞍○驟○馬○總○是○婁○涼○境○追○歡○今○夕○一○聲○夢○斷○清○

磬



解語花 鄭家侍史再至用陳其年荆溪韻

杪秋客邸。私築糟丘。願老名花下。故懷添惹。平分去  
瘦。句寒生短榭。紅霜微灑。難挈伴。陌頭車馬。賸空牀  
愁滿長宵。任漏聲斜打。今夜不殊。前夜勝詞人意  
態。暗吹蘭麝。誰能別也。只筵畔。顧盼誤猜情話。同心  
尚假。已艷殺江南鮑謝。看迴波欲去。還留。有畫簾偷  
寫。

萬年歡

濟武制。諸子過周。兩文山房。次史邦卿舊韻。

小徑平分。駕高軒碾破。袁安深雪。何意催將。春到柳

名家詞鈔 寓言

六

絲爭發。戶外瑤戈拄眼。且靜對瑤琴聲絕。黃金去意  
冷封侯。荷鋤來。刷山骨。酸心壯遊。已歇。待天涯息  
戰。彈劔留別。休學湘纍。桂醕畢。竟神物。人澹修筠欲  
舞。莫便是。凌波仙襪。今宵縱凍影遮窓。不妨峰頂尋  
月。

前調

答葉星期。叠前韻。

嬾上燕臺。續吳吟錦囊。剛貯涼雪。極目沙場。征馬控  
弦。齊發。更送清砧一片。帶晚景。亂鴉飛絕。香篝小花  
夢床寒。山中貪鍊愁骨。歡娛半生。竟歇錯紅樓酒。



淚○和○美○人○別○欲○浣○蕭○騷○杯○外○總○是○餘○物○珍○重○填○詞○麗  
掌○定○載○得○如○鈎○輕○襪○相○逢○再○料○理○浮○家○隔○江○吹○起○虹  
月○

前調 和唐濟武感懷疊前韻

路○掃○行○踪○自○漫○漫○萬○家○吹○冷○啼○雪○頗○似○哀○猿○巴○水○晝  
長○聲○發○布○帽○橋○頭○策○蹇○正○逼○出○詩○情○酸○絕○折○花○罷○幾  
度○凌○兢○滑○稽○應○笑○波○骨○征○鏡○有○時○定○歇○只○蒼○生○况  
瘁○焉○敢○言○別○冷○炙○侯○門○方○悟○錯○解○齊○物○焰○焰○名○壇○利  
藪○或○不○免○口○中○含○襪○何○如○且○孤○嘯○繩○床○野○鷗○同○臥○黃

名家詞鈔 萬言

九

月

桂枝香

祖園春燕

侯○家○第○宅○有○野○水○朱○橋○錦○帆○春○渡○一○架○藤○花○索○裊○玉  
鈴○新○護○賣○餉○天○氣○爭○遊○冶○畫○樓○前○是○東○風○路○乍○停○珠  
勒○半○指○翠○袖○女○郎○無○數○愛○筵○上○笙○歌○如○霧○儘○杜○鵲  
啼○遍○不○教○春○暮○絮○撲○征○衫○重○與○麴○塵○相○遇○多○情○本○是  
江○南○物○到○長○安○牽○惹○如○故○倚○闌○半○醉○誰○家○蛺○蝶○換○人  
愁○去○

水龍吟

垂絲海棠



對花疑對佳人問他關外將誰倚成都陌上秤量顏色似君無幾搖漾芳年莫驚飄墮蜂鬚扶起憶唐宮舊事楊家姊妹同午夢新妝洗漫說纖茸自喜護餘寒正當愁際丰姿想像蹕光綠潤分簪紅珥引罷迴波脚來嬌靨軟綿如此願縈牽不斷情絲萬縷把東風繫

前調 午湖上雨美報來未替盟盟小翠嬌一年鶯外時光藕花將滿湖南路綠陰斜帶層層珠箔惹人深處倚遍重樓共移清景尋他簫鼓悵吳霜

名家詞鈔 萬言

染髻難簪艾葉佳夢逐奔駒去剛覺江山如故別靈均漸凋蘭杜紅情待續小吟銷夏誰傳統素徐掛輕帆此身宜稱閒風浪雨筭歸來未得盟鷗七澤被杯中誤

木蘭花慢

題項東井畫爲文公壽

禾興怪岫色賴張璪富霜毫恣翠暈安籬烟絲倚瀑全取空寥登臨送情不淺帶斜暉又聽暮鐘飄疑有支公故業閉關安問征橈名山何許傍雲根吾欲借書寮向玉猷買竹蘇耽釀橘兼種芭蕉春應去人



未遠肯蹉跎。三萬六千朝。除却圖成景物，眼前都是蓬蒿。

八天家前調 米山亭北杏花盛開

問○艷○春○何○處○三○四○點○雨○聲○中○便○舊○影○裁○成○踈○紅○不○開○  
襯○粉○玲○瓏○枝○頭○有○些○冷○在○笑○尚○書○賦○物○未○能○工○好○認○  
一○帘○牆○外○那○如○雙○髻○樓○東○是○他○不○放○小○園○空○略○比○  
玉○臺○鬆○諒○有○意○俚○人○烟○橫○漸○圻○日○淡○斜○烘○追○看○上○林○  
遊○侶○趁○垂○楊○夾○道○馬○蹄○濃○舊○夢○不○隨○妖○冶○嫩○情○多○寄○  
微濛。

名家詞鈔 寓言

三

齊天樂 錢爾斐過訪

晚登虛閣徘徊遍。孤懷餞秋偏早。古渡蘭橈。平臯玉  
轡。零謝和誰知道。橫塘百里。夢青兩低迷。紫烟斜抱。  
勤寄鱗書。相思相見尚嫌少。雲林終是念舊。頓携  
花買酒。披襟天表。拂劍餘年。枕流僻巷。牀上塵埃難  
掃。留君不了。約此後春嬉。莫辜芳草。笑指瑤花壑中  
人未老。

珍珠簾 題畫

黃鶯屢喚支筇去。黛香濃石隱。心情如故。文杏小亭

臺消得王維幽句。脉脉筠簾遮不定。又一派動人愁處。何處是碧沼流花。漁梁飛渡。頻念訪戴新盟。把詩瓢挂了。再携茶具。難買此時閒。况舊遊曾住。裘馬平生揮斥久。付玉笛吹開遲暮。未暮聽松底鷗吟。萬山春曙。

前調 對菊

山家大有歸來事。草亭前滿眼橫天秋思。臺上采茱回。又見薄裘初試。晉代殘花開未了。慣占却許多情致。須記愛幾尺蝦鬚酒邊香細。今夜短燭西窓。縱良朋見訪石床難寐。鋤菜此衰翁倚畫欄。十二似錦年光消滅盡。更隨月蛩吟盈耳。誰寄怨飄葉空江霜華千里。

名家詞鈔 寓言

五

瑞鶴仙 和史赤豹甲朱買臣墓在福城寺中

問泉臺俊傑。曾掉下書囊。橫飛金闕。歸來便華髮。况歷殘唐宋。幾朝烟月。蒼松疊雪。是樵斤留餘枝葉。踏荒丘三五僧雛。又見晚鐘明滅。傷別羅裙迎馬。玉鏡分鸞。那堪重說。陰風凄切。孤眠處。儘嗚咽。想當時。豔說還鄉富貴。不道浮榮易歇。只稽山遠。作豐碑宛。



然漢物。

石州慢

詠雪

禁住梅花。閒夜捲簾。銀霰輕灑。憑誰知我。綠樽罷舉。彩毫勤把。茸裘破帽。傍他范蠡荒祠。十年不鞚關城馬。重聽打窓聲。恰邊愁偷寫。牽惹似曾年少。翠曆爐頭。寶箏樓下。翻借調水。刻玉添成遊冶。而今休矣。祇剩松火堆盤。此身孤負鴛鴦瓦。寒意滿人間。任先生臥也。

春雲怨

鐵崖招飲湖中

名家詞鈔

寓言

三

心情似昨。識枕柳菴底。一囊丘壑。雨洗平蠻碑。額銅鼓。唱歌聲不惡。送客南還。鳳凰山曲。十二雕闌闕。紅藥。鐵石肝腸。龍蛇翰墨。肯負舊時諾。意新酥。試餅玻璃薄。更洞庭春色。詞人風味。畫舫沿流汀畔泊。酒語淒然。半入潯陽。夜深絃索。綠髯何如。青衫在此。淚與晚潮並落。

喜遷鶯

湖上值朱子容

菰蘆暫起。看古意夕陽。一肩行李。竹艇輕帆。錦囊新句。渾似鶴洲烟水。襍被吳山佳景。柳外高樓。頻倚臨



長笛勸加餐。不用澄江雙鯉。狂喜與爾共松菊。故園少。小陶朱。里瘴雨。蛇懸邊。沙虎踞。我獨塵埃。驅使世事浮沉。失筭雪點垂垂。過耳再相遇。只攪鼓燈前賞花杯底。

綺羅香

雲中平古

壘學流雲。溝成積雪。搖落城頭軍鼓。鑱鑰千門。高去舊京尺五。雜花映美酒人家。輒沙到玉驄歸路。詫無端衰草牛羊。邊聲瞬息便今古。金輿曾過。燕賞愁入瑤箏。變貌貅新譜。錦帳嫌寒。肯管征人辛苦。看輦道數。吹鶯啼。有亂山不隨黃土。幾時再楊柳春風。朱樓燈下舞。

名家詞鈔

寓言

五

舊京霓裳中序第一

咏鏡

繡囊冷。雲輦古。意何年。讀秦篆。餘的水心清淺。伴羅薦。春衫珠鐙玉串。凝愁不捲。似新蟾樓側初轉。怪生就影兒無幾。終日向人滿。消遣。綠絲雙綰。仗頻磨鉛華吹暖。依然相對。天遠。况霜杵魂驚。淋鈴路斷。濃妝近來懶。只描得長蛾一半。菱花裏。自看妖冶。却勝薄情眼。



花心動

與籜菴諸子夜泛

吳越名都倚船窓。滿幅髯蘇遊稿。翠滴愁霖。玉噴飛  
泉。催客釀成清醪。浮沉四海無拘繫。論麋鹿何知頰  
惱探囊底。題花彩筆。可隨春老。已挂城頭。片月紅  
粉。新妝慰人懷抱。左把金蕉。右挹珠鈿。極目萬山清  
曉。夜深鶴背寒如水。終難稱麻姑纖爪。願揮手蓬瀛  
只生江表。

書生

永遇樂

雁門關

孤旅

關隘

吳淞

水

眼底秋山舊來風。雨橫槩之處。壁冷沙雞。巢空海燕。

名家詞鈔 萬言

五

各是酸心具。老兵散後。關門自啓。脉脉晚愁穿去一  
書生霜花踏遍。酒腸澁時誰詠。闌珊髻髮蕭條衣  
帽。打入唱驪新句。回首神州。重重遮斷。惟有穢空絮  
歲華貪換。刀環落盡。草際夕陽如故。嗟同病南冠。易  
感登樓莫賦。

謝靈運前調

蕪城答宗定九

九

九

九

杯酒平生乍分烟。月良友難遇。瓊蓋城邊。開襟話舊  
俯仰論吳楚。芙蓉別苑。幾年增築。管領艷秋蟲語。問  
人間誰當行樂。噉名祇成相誤。香詞脫腕。碧茸絀



矚羞與周秦爲侶。客艇空江。繫花不定。同屬關情處。  
勤來慰我。雪毛盈頂。萬事莫如鄉路。愁腸動吳州聚。  
鐵難將錯鑄。

尉遲杯

有感

鸞簫寂。向晚歲難藉。交游力奚囊。誰貯驪珠。劍氣樓  
中傲客。茸裘小做。賒酒慣陽昌。定相識。約梅花早發。  
巖峒雪銷來。聽橫笛。曾經繡被銀鞍。向粉黛深叢。  
大寫胸膈。市上賣賦。賦不了。徒仰睇。星河夜白。縱龍  
塞有人深憶。飄泊去清江。寄孤翻。爲蠟醅訪遍村帘。

名家詞鈔 萬言

五十六

寸腸休放愁入

望湘人

鄭瑒山席上戲爲行酒者贈

看書魚數拂。香鴨斜籠。添來一盞心緒。欲喫胡床泥。  
他同坐。又怕春風有主。巾幘慚多鏡奩。緣盡寄情惟  
汝。笑江州司馬。纏綿錯爲琵琶。留語重記長安飲。  
伴早落拓歸裝。江干倦旅。撫此夕。停眠銷受深更紅。  
炬迴新影。似隔簾金縷。誰慣着人如許。空宛轉堂上  
傳杯。天也廉纖寒雨。

一萼紅

憶辛卯歲湖上五日事



愛柔花。向朱欄借得春影最玲瓏。粟玉纖環。泥金雙帶。嬌小渾不勝風。櫻桃試萼。蒲碧醞。知有意分我醉顏。紅粉汗涼生。繡巾香。人在樓中。身本三生杜牧。賦鴛鴦遺恨。綠葉茸茸。錦艸星移。雕輪雨散。聽徹清晝。踈鐘縱留取。同心舊約。對湖光空畫。兩眉峰。况是黃梅天氣。冷到薰籠。

前調

題香山半村草堂

近城樓。剩清陰數畝。剛許結烟蘿。逸士移梅。佳人倚竹。名園邨得如他。分明是五陵俠少。拋紫綬不肯聽

名家詞鈔

寓言

七

鳴珂。自渡江來。百年心事。渺渺關河。此際水幽林寂。坐勿與一箇丘壑。增多石戶堆書。雲窓裊篆。時光總付消磨。頻回眺天台仙侶。領春情脉脉。畫雙蛾。約我爲鄰。研北各占青螺。

香山燕人倅台州後寓武林三十年矣

風流子

寄張登子

芳堤春絮老。今張緒。只與六朝同。悵遠山不絕。乍迷屐齒。隔江相望。如在簾櫳。送行後。歌塲銷舊翠。澆女泣新紅。陶令素琴晚。風空裊。柳家長句。殘月難工。

南華亭臺好。娛清晷。屏際寶鴨香濃。偏是梅天多雨。



常阻郵筒。想三影詞成。銀箏斜抱。四愁懷切。玉案輕籠。無限斷腸滋味。分付杯中。

沁園春

題錢爾汎綠谿園

近喜休兵。架壑千尋。疏泉一灣。是袖中石暈。蘇公東海。琴邊菊秀。陶令南山。招魯諸生。修晉禊事。乞得君王。此日閒優游地。遍秋懷。綠森春信。紅殷。有時醉臥苔斑。又絕勝珠樓十二間。想寒更留客。盤堆玉髓。香辰挾妓。戶列烟鬟。金谷飛觥。輞川縛帚。雲護雙扉。不用關無塵跡。止載書車。到泛雪人還。錢視山左學歸故有諸生

名家詞鈔

寓言

三

之句

前調

和俞右吉老眼詞

東郭先生。契濶旬來。神光若何。想清藏膚理。晉人點漆。空兼定慧。竺氏凝波。疇昔書城。十行齊下。賈策猶虛。漢殿過憂時甚。數驚呼。決背淚滿關河。郵筒報我摩挲。似斜日難揮。戰士戈待。鳳凰啣蠟。華燈自照。芙蓉湛水。長劍須磨。雲霧叢中。無邊輕薄。正合朦朧。倦思多。盧醫說。要迴君顧。盼端藉嬌娥。

賀新郎

答橫秋見壽時將行役雲中



玉宇秋如水。爲黃花滿襟離恨。雁筇頻倚。落日馬蹄窮塞主。白髮一肩行李。銅柱北曾經脫屣。又怪風旗沙柳外。對磨崖片石。揮毫起呼。扁宋且休矣。故人相見平安喜。寫新詞。龍蛇飛動。牢騷心事。刀斗河山今不閉。敢詫封侯萬里。笑老子踈狂未已。范蠡湖邊蓴菜熟。肯竿裘做盡車生耳。痛飲酒。真男子。

前調

書懷

一派平林濶。騎森森。銀槍玉帳。了非英物。身世苴糞太辛苦。晚踏戰場深雪。刀斗外羣鴉啼絕。宛轉桑乾留不住。喜行山北去。環宮闕。飛動意待君發。菱花碧。漫星星髮。買涼州葡萄酒。寶箏初歇。閒坐秤量眼中客。誰似龍蛇滅沒。憑浪語古人三窟。盾墨磨殘。征袖冷。少黃金鑄就。封侯骨。心萬里。對秋月。

摸魚兒

燕米山堂

聽風鈴。遍傳春去。茶蘼紅發。留客善和坊。裏馱驕馬。不讓小蠻顏色。愁如織。望復嶺。迴溪隱隱。星窓隔浮生作劇。便刻竹題詩。揮裘換酒。清嘯古今窄。開筵處。松下危樓倚碧。流連難至。頭白微溫。氣候宜人。堪



秉燭再遊始得吾有癖縱弱絮沾泥何損鬢髯戟地  
殘可惜須畫鼓催花香羅剪蝶長著阮家屐

前調 吳園次招集米山堂

展瑤箋近尋嵇阮開襟長倚踈竹乾坤落落存苾屨  
自信了無拘束春不足最可惜芙蓉手點埋濃綠遊  
踪待續看筆捲微波堂深瘦影清語漱寒玉 高歌  
後槽底梨花正熟更闌四照銀燭紅塵舊夢浮雲散  
少壯去如飛鏃閒是福莫喚起龜年重唱開元曲新  
愁幾斛只買斷嬋娟携多鑿落相約臥空谷

名家詞鈔 萬言

前調 集米山堂觀劇

剪濃陰雨餘池館飛花正點瓊鬢龍眠愛寫西園集  
不念客窓人瘦遊馬驟仗好鳥啼開三徑苔錢繡低  
回晝漏恰翠暖耀瑜丹浮琥珀屏側燼香獸 征衫  
袖情淚年前浥透傷離便合相就教坊樂部何哉在  
料理記歌紅豆聊訪舊是手解金龜投老家山後東  
方射覆識歡伯藏春柔鄉銷夜中有兩眉皺

前調 濟武見訪示一詞次韻奉答

解塵羈天容聳叟年來餘少清思書奩藥架勤收拾



錯愕隙駒方駛。吾倦矣。撫冷落。交遊孤坐。談秋水。五湖陰裏。忽露宿。鷓鴣風翻蘆葦。相助挽征袂。貧家具。回聽朝鷄萬里。陶公欲釀無米。此心漫詫同頑鐵。又被高歌催起。人世事。料不過對花對鳥。千迴醉閒情。自寄看瑤海。飛灰珠林斷響。九鼎寸絲繫。

前調

疊前韻答吳海木見懷

溯詞源六飛南渡。諸家全闕才思。藁山漠漠青如昨。獨覺流光驚駛。秋到矣。趁十幅蒲帆錯繡層層水。唐公瓢裏見炳燭。裁詩題蕉。綴碧累月共仙袂。勞相念麋鹿何須爵里。太倉剛剩稊米。鼎鍾無處堪容我。聊逐沙鷗眠起。悽惻事。問故國交朋。雨散誰同醉。浮踪遠寄。倩山作綸巾。江爲羅帶。牢把客愁繫。

前調

疊前韻酒間答星期

別吳州便穿荒圃。此中應蓄深思。察察哀雁清笳外。鐵甲往來何駛。君悟矣。且玩弄垂虹。魯望吟殘水。故人杯裏有松籟。疑絃魚梁近。畫莫濕感時袂。浮沉處。遊俠難逢軹里。丹砂轉訖成米。男兒胸次多冰雪。興到誰嫌騰起。眼底事。怪幾日濃陰未解。如酣醉癡。



腸可寄。願花月常輝。天公註定也。似赤繩繫。

前調 登前韻答王邁人

曳青藜筍與休御。炎光常帶寒思。錢神脉脉無消息。  
何計挽遲爲駛。堪隱矣。有作隊鷗。鳧向當年水。五  
噫聲裏。更置網高張。麟枯鳳老。相泣反前袂。天壤  
內空濶。仍同梓里。齊名敢覩蘇米。書生習氣難鏡削。  
漢柳多情三起些子事。莫近捨尊前。追憶黃墟醉有  
家似寄。更縮取方壺。天風海屋。長劔轆轤繫。

前調 登前韻金明寺訪燈公

名家詞鈔 寓言

三

噪秋蟬。澄潭界道入門疑。釀涼思。觀空的是英雄業。  
鞭影不施而駛。身到矣。正踏破機緣。隨分佳山水。寶  
華輪裏。覩碎碣蟠蝸。四垂青薜。禪客半無袂。天街  
返。佚老鴟夷舊里。菴菑問續厨米。家風肯受龍蛇雜。  
鐘散月斜香起。因此事。痛舉世沉沉。總被文章醉。縱  
橫各寄。夢汎掃蓬蒿。撥塵相對。壺概定休繫。

大酺 同張蓮林餞別袁籜菴

看楚雲飛。吳烟遠。良約都因春誤。紅樓聽雨罷。又匆  
匆無定意。如飄絮。慢煮香茶。了了燕乳。知是懷人深。



處填詞付歌管。正陳隋舊夢。寓情瓊樹。恨三幅江帆。  
一雙山屐。換成離緒。沉沉絲雨暮。亂流急。翹首迷  
前渡。且近覓投簪狂客。負局先生。解征衣酒邊同住。  
自古誰豪舉。身與世總成羈旅。更休。盪陽關句。浮樽  
相屬。西子夜來傳語。停舟鏡湖待汝。

專獎 多麗

星期與諸子燕集涉園遙同次韻

尺縑殘。俊人再集西園。送蘆笳邊風絕遠。懼場許駐。  
韶顏聽鶯迴。晴窓染緝。浮花去春渚。拖藍宦海難經。  
錢神易別。逍遙總讓竹皮冠。昂首望橫穿斗柄。歷歷

名家詞鈔 萬言

三五

酒星圓。驚相問善和坊曲。欠取端端。算香辰未逢。  
修禊早看烟月。雙娟要離塚。誰嗤竈熟。臨叩市肯怕。  
琴寒。禁苑停呼。侯門漫刺。宏詞合在客牕間。溯澄湖  
尊羹新熟。勤買楸頭船。吾衰甚。願分蘭畹。洗盡愁山。

自古誰豪舉。身與世總成羈旅。更休。盪陽關句。浮樽  
相屬。西子夜來傳語。停舟鏡湖待汝。

一雙山屐。換成離緒。沉沉絲雨暮。亂流急。翹首迷

處填詞付歌管。正陳隋舊夢。寓情瓊樹。恨三幅江帆。





名家詞鈔目錄

廬陵 聶先 晉人

纂定

長水 曾王孫 道扶

棠村詞

真定 梁清標 蒼巖

望江南 六調

如夢令 二調

生查子 二調

點絳脣 二調

菩薩蠻 二調

卜算子

巫山一段雲

減字木蘭花 二調

名家詞鈔目錄

海棠春 山花子

眼兒媚 少年遊

杏花天 浪淘沙

金鳳鈎 玉樓春

南鄉子 踏莎行

臨江仙 蝶戀花

釵頭鳳 一翦梅

行香子 柳初新

瓜茉莉 魚遊春水

東風齊着力

滿江紅 二調

玉漏遲

滿庭芳 二調

燭影搖紅

帝臺春

萬年歡

念奴嬌 四調

桂枝香

綺羅香

春雲怨

喜遷鶯

永遇樂

花心動

大聖樂

過秦樓

洞庭春色 二調

沁園春

名家詞鈔 棠村目錄

賀新郎

玉女搖仙佩 以下二集

美少年

漁家傲

賣花聲

傳言玉女

剔銀燈

柳腰輕 二調

轆轤金井

醉蓬萊

玉簫涼

雨中花慢

揚州慢

珍珠簾

瑣窗寒

月華清

如此江山

氏州第一



畫錦堂

解連環

花發沁園春

望湘人

望海潮

惜餘春慢

摸魚兒

画屏春色

名家詞鈔

目錄

三

其漁泉

画報春色

望海潮

惜餘春慢

花發沁園春

望湘人

畫錦堂

解連環

棠村詞

真定香梁清標 蒼巖

望江南  
東郊外。暖日水粼粼。一路杏花尋幕燕。幾行楊柳渡溪人。沙細碾車輪。

前調

西村裏。森森水拖藍。一縷墟烟青似織。數峰嵐色碧於簪。可喚小江南。

前調

名家詞鈔棠村

踏青去。遙指綠陰村。斜裊金鞭晴試馬。高燒銀燭夜開樽。芳草滯王孫。

前調

休虛度。寒食草青青。荇葉橋邊沽酒路。鞦韆影裏賣花聲。金彈打流鶯。

前調

清懽夜。偷眼認檀郎。錦瑟猥燈腸斷句。青絲墮馬內家妝。私語口脂香。

棠村前調



燈花剪。襍坐漏偏遲。欲寫烏絲。喚燕子。將輸楸局。倩  
獨見薌澤乍聞時。

如夢令 秋夜

露下秋宵方永。睡起殘妝猶靚。携手步虛檐。人面月  
華相映。絕勝絕勝。小立滿身花影。

前調 朝回

翡翠衾寒拖逗。惱殺鷄聲偏驟。帶得御香歸。猶喜曉  
妝纔就。生受生受。正是畫眉時候。

生查子 春閨

名家詞鈔 棠村

二

河梁別妾時。落葉紛庭榭。春草已芊芊。不見嘶驄馬。  
鸚鵡未知愁。絮語將人罵。小步怨東風。掩淚鞦韆  
下。

前調 夏夜

蘭湯浴罷時。簫局沉烟縷。偷取遠山青。描作眉兒譜。  
茉莉幾時開。小摘還頻數。香汗等閒消。一陣黃昏  
雨。

點絳脣 偶贈

歌按涼州。燈前喜識春風面。傍誰庭院。碧玉閨中怨。

淡服新妝。無語頻凝盼。思量徧幽情。一線付與閒  
花片。

前調 憶舊

簾押風柔。傷心往事斜陽裏。當年花底。芍藥欄同倚。  
依舊芳菲。歲月看流水。春殘矣。亂紅如綺。草綠人  
千里。

菩薩蠻 春閨

亂鴉啼處春風曉。流蘇香暖金鈎小。晴影入窓紗。街  
頭賣杏花。鴛鴦初睡足。偏墮雲鬟綠。拂鏡試新妝。

名家詞鈔 棠村

低徊問粉郎。

前調 悼亡

玳梁當日棲雙燕。碧桃花下看人面。往事耐思量。銀  
燈照晚粧。寶鈿空瑟瑟。愁殺西堂客。腸斷只三聲。  
長更與短更。

卜算子 閨曉

寶鴨被重熏。茉莉香先透。兩兩鴛鴦宿碧紗。私語人  
知否。夜雨裊殘燈。朝露沾羅袖。怪煞開奩促曉粧。  
好夢濃如酒。



巫山一段雲

簫局微溫後。燈篝乍剪時。端相帶笑又佯推。欲睡故遲遲。銀蒜垂簾悄。金釵落枕欹。淡紅怕祿映唇脂。低問小名兒。

減字木蘭花

雨後

秋葵帶露紅滿窓。紗蟬滿樹。不管閒愁倚杖浮雲度。畫樓。雨絲風片消受新涼深小院。蝶過誰家閒殺。墻頭夜合花。

前調

夕陽

名家詞鈔

棠村

四

風吹禾黍幾陣蕭蕭。山市雨秋色三分。讓與漁家水竹村。蘚苔獨立萬戶聲催砧杵急。柳外寒塘牛背歸來正夕陽。

海棠春

夜雨

寂寥深院思千縷。陌上柳新黃纔吐。暝色入西樓。雁影沈南浦。黃昏燈火無情緒。遣夢到家山猶阻。惆悵打梨花。點點飛窓雨。

山花子

春愁

漫道春風不世情。愁中吹上鬢邊星。歸雁帶來雲外

恨斷腸聲。日暖平蕪晴牧馬。月明綺閣夜調笙。無限韶光多少淚。共誰評。

眼兒媚 春晝

日射晴牕靜無譁。風裊柳枝斜。有人深院。凝粧獨坐。門掩桃花。追思往日重回首。心事付啼鴉。隔牆笑語。却疑春色。只在鄰家。

少年遊 春愁

啼鶯恰恰到窻紗。幾縷曉烟斜。此日春城。漢宮傳蠟。散入五侯家。三分春色愁中度。一半在梨花。腸斷

名家詞鈔 棠村

黃昏酒醒殘月門外卽天涯

杏花天 花朝過金魚池

鶯聲曲岸輕陰乍。春水漲城南臺榭。誰家高結鞦韆架。人在賣花簾下。踏青鞦舊遊重話。記挾彈芳原試馬。杏花小雨西村社。放了東風寬假。

浪淘沙 閨詞

日影舊窓紗。晝靜藏鴉。東風謹護牡丹芽。珠箔深溪。垂綺戶。便是兒家。嬌小鬢雲斜。暗度韶華。春愁不減臉邊霞。繡得雙鴛新畫譜。並蒂荷花。



金鳳鈞

燕來

忽聞燕來何處。向樹底雙雙小語。一春消息。故人情重。不爽佳期。唯汝。自憐每被多情誤。頻勸取不須飛去。絮泥脚得。爲誰辛苦。空傷人家門戶。

玉樓春

送春

花飛南陌東風暮。腸斷王孫芳草路。綠槐影裏雨初晴。黃鳥聲中春暗去。亂山疊疊看無數。故國遙遮雲外樹。一年佳景等閒拋。好夢欲尋無覓處。

南鄉子

春暮

深院雨廉纖。燕子飛來故傍檐。清晝困人無氣力。酣酣淺暈。腮痕印枕函。新樣剪輕衫。獨坐凝粧倚鏡奩。聞道春風將暮也。厭厭開盡桃花。不捲簾。

踏莎行

暮春

鶯囀林梢。蝶沾粉絮。押簾銀蒜牽珠縷。鴛鴦幔揭鬱金寒。秋千索挂東風暮。綠暗西園。雁沉南浦。檀郎驕馬知何處。章臺街裏片花飛。紅粉樓中三月雨。

臨江仙

初春

花市歌樓簾半捲。六街酒碧燈紅。家家行樂醉春風。

五陵年少何處繫遊驄。小婦新粧蟬翼巧，那知愁上睂峰。垂垂柳色夕陽中。陌頭驚見，悔却覓侯封。

蝶戀花

宋 荔裳 觀察招飲觀劇次阮亭韻

榆莢風清飄蜀纈。水漲銀塘，纔過清明節。絳蠟金樽歌未歇。柳花檻外飛如雪。舊事甘陵翻數闕。今昔關情，優孟真奇絕。絲管啁啾聲漸徹。魚龍波底搖殘月。

釵頭鳳

閨怨

簾櫳悄。流蘇小。薰籠斜倚香還裊。歡方嫩。愁來頓。纖

名家詞鈔 棠村

七

腰非舊。湘裙爭寸。褪褪褪。釵輕掉。梅如笑。銀缸生。暈燈花爆。春將近。鴻無信。天涯人遠。金錢難問。恨恨恨。

一翦梅

閨詞

宛宛冰輪上。畫樓聽罷更籌。薰罷衾稠。畫眉人是舊風流。對面溫柔。背面嬌羞。雙結燈花兩意投。一晌低頭。半晌廻眸。玉猊烟冷睡還休。倚了香篝。褪了蓮勾。

行香子

登齊中樓



霧斂高旻。樓敞無塵。捲殘霞恰受斜暉。俯凭飛檻遠  
眺城闌。看花如繡。山如沐草如茵。綠窓窈窕。碧樹  
纈紛。傍朱欄怪石嶙峋。奇書堪把。濁酒重斟。喜冬宜  
雪。秋宜月。夏宜雲。

柳初新

冬詞

晴簷飛雪。簾櫳護翠。被篆添香。縷海棠睡足。臉潮微  
暈。釵落髻橫斜。霧紅上瑣窓。如許惱侍兒。催人匆遽。  
纖手牽郎。且住。怯朝寒。枕傍低語。眉心頻蹙。楚腰  
半。臙不盡。怨雲愁雨。欲起。又同偎倚。最難聽。鸚哥聲。

名家詞鈔

棠村

八

絮

瓜茉莉

未麗

正苦薰風。早清芬細裊。黃昏後覓枝尋葉。翩翩萼影。  
惹動閒庭。蛺蝶。摘來綴寶髻。瑤釵盈盈。暗添笑靨。  
花神有意。巧批了風流牒。新浴罷。晚粧寧帖。斜簪綠  
髻。恰宜襯芙蓉。頰伴鶉鶉枕。上粉脂融淡。衆香國。魂  
夢貼。

魚遊春水

上谷立春

東風開曉市。晴照金臺雲氣紫。春來天上。巷陌漸薰



羅綺玉燭長調禁苑中。錦鞵爭試香塵裏。吹笛一聲。畫樓獨倚。三輔名城高起。又見髻邊新燕子。青幡兼遇燈宵。韶光信美。閨人劃損釵頭鳳。羈客愁傾樽內。蟻歸夢如醒。流年似水。

東風齊着力

立春

郊外青幡盤中生菜。人樂時康。惠風布滿。春水瀉橫塘。競戲魚龍角觥。朱樓上小婦笙簧。映釵色剪花絲。燕香裊羅裳。莫問髻邊霜。百年內能消幾個歡場。黛睂巧畫半醉倚銀釭。肯負籤聲燭影。酬良夜細語平章。喜公道不分冷暖。惟有東皇。

名家詞鈔

棠村

九

滿江紅 栢棠村賞牡丹

春草孤村。茅亭立老槐如昨。香滿院。名花傾國。臨風綽約。三徑纔開佳客至。一樽細雨同斟酌。嘆十年宦海。歷風塵。空耽閣。鐘鼎業。波濤惡。林壑裏。無拘縛。趁日長人健。留連芳萼。屋角遠山青欲滴。溪邊釣艇魚新躍。看眼前。世事謾關情。秋雲薄。

前調 悼亡

造物如何遽收拾。鴛鴦牒早。把香天粉井。劫塵埋了。



初擬鹿門同載去。那知更踏長安道。到如今白首送  
青春真顛倒。虀市結風鬟。裊午夢醒。槐宮杳。想定  
情良夜。倚燈人小。紫蟹黃英難共醉。都堪摹作婁涼  
稿。對西風。獨立哭斜陽。閒花草。

玉漏遲

閨思

篆烟消錦幄。愁中又聽漏聲催早。卸罷殘粧。繡被暗  
生寒峭。想像前宵好。夢剩瘦。影蘭釭相照。燈暈小。雁  
鴻報到。歸人猶杳。消息試探梅花待漏洩。春光可  
同歡笑。欹枕釵橫。畫樓幾番慵眺。一紙書寄語問  
白髮近添多少。奩鏡悄。眉峰爲誰頻掃。

名家詞鈔

棠村

十

滿庭芳

觀女伶演淮陰故事

絳燭清宵。彩雲華館。蠻腰細舞。迴風嬋娟。忽變繡襖  
染猩紅。鎖甲艷分雪色。兜鍪小。雙頰芙蓉。擢瑜映將  
軍。紅粉錦繡。黛眉同。登壇當日事。衣冠優孟。寫出  
偏工。嘆英雄佳麗。一樣飄蓬。飛絮落花。舊恨誰憐。取  
桃李春穠。乘月夜。衣香人面。莫放酒盃空。

前調

城南泛舟

城繞春流。堤藏蕭寺。人家半倚晴溪。輕風暖日。布穀



數聲啼。一棹船如天上。關情處。岸草萋萋。空回首。故園柳色。烟景望中迷。依稀想此日。清明近也。桃杏開時。嘆嗟蹤跡。物換星移。舉網鮮鱗入手。開笑口。聊醉春卮。酒闌後。斜陽駐馬。目斷畫橋西。

燭影搖紅

正月十四夜

綺戶寒輕。千門不閉。樓臺晚。麗譙吹歇。罷葳蕤。九陌香塵滿。何處簫聲近遠。試華燈。春風庭院。閒身天許。遊冶場中。留連歌管。暗想當年。團圓兒女。清宵宴。翠眉低唱。漏聲沈。絳燭西窓。剪此夕。人移物換。頻搔首。霜侵鬢短。月明依舊。火樹光搖。星橋烟煖。

名家詞鈔

棠村

十一

帝臺春

春懷

晴日炙。雪初消。池水碧。遊鯉負水好。鳥窺人。閒愁增劇。追憶年時。香閣裏。携手看故山春色。奈而今。惱亂東風。偏吹孤客。春猶昔。渾暗擲。人咫尺。何從覓。嘆陌上青青。又生芳草。薄暮綠烟如織。湖海氣難。一且減。兒女淚。已千行。滴漸近了。花朝。怕重提寒食。

萬年歡

元夕

午夜晴燭。早六街燈火。交侵明月。春樹人家。遙傍帝



城雙闕。迤邐。鈿車成列。躡羅袖。膚光欺雪。春山澹止。  
水盈盈。笑看簾幙風揭。清絲淒切。樓上少婦鳴箏。  
坐幽恨難說。白馬金鞭。知向誰行遊歇。舞榭酒闌。燭  
滅。侯門閉。內筵重設。空竚望。薄倖歸來。深閨眉翠雙  
結。

念奴嬌

夏夜

涼侵疎簾。看星河漸轉。頻催城柝。百合香勻。新浴罷。  
月照殘粧。綽約紈扇初停。冰肌無汗。重試羅衫。薄花  
陰携手。一枝輕骨釵落。聞道世態浮雲。長安棋局。

名家詞鈔

棠村

十二

俯仰成今昨。人在瑤臺清露下。消受藤牀珠箔。橫笛  
高樓鳴蟬滿樹。塵事渾拋却。西風轉眼。又驚吹到簾  
閣。

前調

悼亡

啼猿聲裏。正蕭疎一片。霜天秋色。絃續鸞膠。看兩兩  
比翼。蓮枝無別。洛浦珠沉。湘靈瑟冷。剩有寒螢咽。鍾  
情我輩。那堪蘭蕙重折。回首燈火春宵。茗爐佳夕。  
鴛枕。偎猶熟。留得零香餘粉在。種就柔腸。千結爲問。  
飛瓊還歸天上。可憶來時節。蠶絲難盡。夢回簾外殘。

月。

前調

過綠柳長廊有感

滄沱南陌。憶當年綠柳依依堪折。夾道長條張翠幄。  
清影寒生六月。汗滴征衫。塵飛驛路。到此清涼別。今  
來駐馬。濃陰一旦殘缺。聞道舊日隋堤。春來渭樹。  
空有蟬聲咽。可惜長廊烟霧冷。轉眼繁華銷歇。莫問  
秋風樹。猶如此。何況三千髮。長途搔首。愁聽枝上啼  
鴉。

前調

寄羅弘載越中

名家詞鈔 棠村

十三

蘭橈畫漿。嶺南舟共泛。湖天寥廓。髯客揚舲。蘭渚去。  
折柳滕王高閣。江上登樓樽前擊鉢。轉眼分今。昨雲  
山千疊。舊遊頓爾蕭索。聞道戍堞烽烟。戈船輦鼓。  
宛委軍聲惡。當日應徐無恙否。八口可安林壑。阮瑀  
從軍。陳琳草檄。豈歎功名薄。爲詢羅隱。壯懷肯令飄  
泊。

桂枝香

中秋

西風簾幙。看花影移階。蕉陰綽約。三五良宵正。永小  
羅杯酌。三年幸訂漁樵侶。伴閒雲輕鷗孤鶴。鹿門夫



婦○竹○溪○賓○友○柴○桑○籬○落○ 任清露涼侵袂薄對扶疎  
叢桂此景非惡漸斂浮雲夜半月臨虛閣度樓人坐  
冰壺裏欲乘鸞飛向寥廓且撈盡醉休論塵世受他  
羈縛

綺羅香

十六夜

曉○雪○纔○晴○華○燈○再○耀○粧○點○春○城○如○畫○一○刻○千○金○欲○買  
良○宵○無○價○曲○闌○倚○檀○口○瑤○笙○六○街○聘○玉○鞭○騎○馬○氣○氤  
氲○飛○霰○雕○簷○銀○花○釵○色○光○相○射○ 繡窓眉嫵試看似  
昔年京兆風流重話焰吐芙蓉處處酒旗歌榭橋邊  
女○笑○倩○人○扶○笛○裏○梅○落○來○堪○把○拋○紅○豆○誰○結○同○心○趁  
蟾○蜍○漸○下

名家詞鈔

棠村

十四

春雲怨

門怨

疎○燈○薄○暮○又○一○聲○歸○雁○飛○來○平○楚○門○掩○東○風○塵○生○寶  
篋○流○年○驚○暗○度○綠○線○慵○拈○燭○花○頻○剪○舊○怨○新○愁○漫○空  
數○卓○氏○孤○吟○班○姬○團○扇○無○奈○情○耽○悞○ 王孫玉勒知  
何處把三生誓約翻雲覆雨去矣朱顏漸非故零亂  
飛蓬惱煞窓前鶯啼春樹夢罷關山酒醒殘月極日  
淒涼南浦

喜遷鶯

夏日遣興

蕉林雨歇。正寶篆香溫。瓶荷芳徹。斐几攤書。湘簾伏  
枕。愁煞利名場客。消受薰籠茶椀。閒度草間飛蝶。最  
愛是。傍蕭蕭疎竹。林梢新月。凄切關情處。遠樹蟬  
聲。又值清秋節。白墮三杯。紅綃一曲。說甚濟時豪傑。  
小構數椽茅屋。圖畫琴尊羅列。且白眼。任花開花落。  
陰晴圓缺。

永遇樂

九日

籬菊凝霜。井梧零露。雁飛平楚。何處秋聲。小庭浙瀝。

名家詞鈔

棠村

十五

無奈情千縷。登高送目。手把茱萸。生受澹烟疎雨。嘆  
良時幾年虛度。總付東華塵土。古今得失。人生聚  
散。渾似落英無數。戲馬臺空。龍山帽冷。風月還如許。  
閒拋書帙。笑引清樽。看取綠窓眉嫵。莫更使愁蜂怨  
蝶。香寒別浦。

花心動

元夜

上谷風和。夜溶溶。香車六街闐咽。燈火朱樓。絃管清  
尊共賞。太平佳節。誰家少婦。簾櫳裏。喧笑語。綺羅輕  
揭。客懷亂。敝裘獨擁。小門殘雪。閒把年時細說。儘



玉漏聲沈鳳簫吹歇。擘燭春閨眉嫵。紗窓蘭麝繡幃  
頻薰。無端辜負鴛鴦夢。郎山畔冷衾如鐵。酒醒處星  
橋淡烟斜月。

大聖樂

春閨

奩鏡初開。流蘇乍暖。戩窓猶寒。引螺黛巧畫雙眉。寶  
鴨頻添香篆。裊裊輕烟。纔換春衫慵出手。向梅萼凝  
粧子細看。繡簾日永。鶯花無賴。珍重芳年。東風又  
到芳草。漸柳色依依。駐錦鞵。語金閨。夫婿椒酒絲勝。  
莫負清歡。世事何憑。韶華易去。一瓣皈依大士前人。

名家詞鈔

棠村

六

無恙祝天長地久。被底文鴛。

過秦樓

吳城中

樹隱千章。風輕五兩。堤畔人家。容與柴門。照水沙岸  
連檣。一片吳城烟雨。遙望曉捲疎簾。小婦凝粧。映窓  
眉嫵。嘆天涯客子。三千餘里。鴈沉江浦。空聞說白  
苧江東。錦帆南國。顛倒醉鄉歌舞。寒林半落。霜葉猶  
紅。愁見鳧鷖孤嶼。更羨高風。此邦孺子荒亭。雲卿黃  
土。問江山萬古。茫茫今夜。夢回何處。

洞庭春色

次韻寄答松陵徐電發

獨步江東。羣推孝穆志在千秋。儘詞華潘陸恣情採。  
嶺新聲秦柳。匠意研求。入洛才人。追二俊。遇傾蓋公。  
卿便駐騁。吾衰矣。看中原。鞭弭輪與林丘。當年陳  
琳。阮瑀。草檄處。名滿諸侯。美扁舟。書劍五湖。烟月春  
城。絲管六代。歌樓樽酒。旗亭風雅。會料此際。歐陽放  
出頭。西陵畔。聽江湖。怒發笑引吳鉤。

前調 歸舟

萬里河梁。五羊歸櫂。夾路春風看荔枝。洲畔沉香浦。  
外簾開樓閣。帆動滕艫。載得珠江花鳥去。更千步香

名家詞鈔 棠村

丁七

薰兩袖濃斜陽。岸正袍青草。綠衣染鵲紅。麓藏羅  
浮舊。繭早辨。取舞蝶。紗籠問踏歌。蠻樂穿花。遊女尋  
芳何地。拾翠誰從。拋却南天。烟月暖。喜北望。長安紫  
氣重。驪歌裏。聽蘭橈。笳鼓驚起。鼉宮。  
嶺南有千步香草

沁園春 咏美人足

錦束溫香。羅藏暖玉。行來欲仙。偏廉櫳。小步風吹。倒  
蹠池塘。淡苔苔。點輕彈芳徑。無聲纖塵不動。蕩漾湘  
裙。月一彎。鞦韆罷。將跟兒慢拽。笑倚郎肩。登樓更  
怕春寒。好愛惜。相偎把。握間想。嬌憨欲睡。重纏繡帶。



蒙騰未起。半落紅蓮。笋指留痕。凌波助態。款款低徊。  
密意傳描新樣。似寒梅瘦影。掩映窓前。

賀新郎

蛟門納姬次芝麓宗伯韻

錦幄紅霞卷。賦催粧鵲橋已駕。青鸞先遣。才子廣陵  
年尚少。下直墨華猶泫。奩鏡伴烏絲蠶繭。携得御爐  
香滿袖。正天生初渡銀河淺。京兆筆晴窓展。遠山  
肯使眉痕顯。倦支頤流蘇低亞。筠籠微扇。吹罷鳳簫  
閒對奕。亂局須憑獬犬吟蟋蟀。西堂愁免欲博琴臺  
人一笑。解鷓鴣裘好向爐頭典。蓮漏永蘭缸剪。

名家詞鈔

棠村

七

玉女搖仙珮

暮春泛舟

長堤柳影綠滿東郊。十里芳湖如鏡。舉網烹鮮。行厨  
載酒。重續當年佳興。風月誰偏領。况主人情重。肯虛  
妍景。早尋取青鞋布襪。正是姚黃魏紫相映。無奈遇  
知心。嬌小情癡。勾人酩酊。憑仗蘭橈。畫槳簫鼓中  
流。激灩素波千頃。章曲勝遊。旗亭嘉會。今古風流堪  
竝。城角樓烟暝。怎消得杜牧踈狂。心性趁落日仙舟  
容與。佳人拾翠。春將去也。君須省。好畱待夜珠光迸。

以下補

選二集

美少年

齊中芙蓉移自家園喜開甚盛

深院雁來時。紅落青苔冷。爲愛錦城花。移自柴桑徑。  
昨夜一枝開。綽約新粧靚。賒得半江秋。留住霜天

影。

漁家傲

題王烟客摹黃崔山樵画册

文獻吳中凋謝了。婁江留得西廬老。老椀香爐人靜  
好。桐陰悄。閒窗摹出山樵稿。詞客画師稱二妙。蓬  
萊水淺乾坤小。一帶林巒雲浩渺。塵事少。卧遊似仿  
龍眠曉。

名家詞鈔

棠村

九

賣花聲

夏日雨中

炎焔沾衣。驟雨歛來庭院。洗京塵不須紈扇。涼颼入  
幕。裊孤燈零亂。喜天際輕雷漸遠。披襟襟坐。朋輩  
風流蕭散。遣閒情蠻牋茗椀。最關人意。有檐花紅綻。  
任陰晴浮雲舒卷。

傳言玉女

春宵

宮餅燒殘。小閣落梅如雪。衾窩寒峭。簫局熏纔。爇。釵  
聲鬢影。偷見燭花雙結。漏銅遲滴。繡帷輕揭。私語  
窗間。膩薇槩香暗裊。是鄉堪老。萬斛閒愁。歇。鵝。夢



穩○莫○使○風○驚○簷○鉄○春○宵○幾○刻○消○磨○人○傑○

剔銀燈

鄧孝威毛大可吳慶伯汪舟次吳志伊徐大文集郎中小飲

黃○葉○青○苔○滿○砌○菊○未○老○蟹○螯○猶○美○雪○苑○鄒○枚○江○東○任○  
沈○對○酒○尚○堪○同○醉○萬○家○樓○閣○在○一○片○雁○鴻○聲○裏○太○  
史○應○占○星○緯○不○數○山○陰○修○禊○抵○掌○論○文○當○筵○抽○簞○樺○  
燭○早○堆○紅○淚○夜○涼○如○水○莫○辜○負○帝○鄉○高○會○

柳腰輕

觀邢郎演劇

溶○溶○三○五○春○宵○譙○銀○燭○照○紅○牙○按○紫○雲○筵○上○袁○綯○臺○  
畔○不○數○當○年○奇○艷○奏○新○聲○幾○度○杯○停○越○東○風○一○枝○花○  
顫○信○是○吳○儂○妙○選○問○伊○邢○美○名○誰○擅○擗○肩○揚○袖○淺○  
輦○低○笑○省○識○芙○蓉○如○面○座○中○有○子○野○情○多○每○腸○迴○舞○  
裙○歌○扇○

前調

元夕是歲始開火樹之禁

市○樓○十○里○香○塵○滿○金○波○湧○東○風○軟○璇○霄○弛○禁○銀○花○爭○  
絢○陌○上○疑○寒○疑○暖○列○醑○譙○三○殿○魚○龍○沸○春○城○九○天○絃○  
管○是○處○遊○韁○堪○縮○鈿○車○輕○珮○聲○人○面○紅○燈○華○髮○綠○  
樽○良○夜○莫○負○澗○杯○頻○勸○看○年○少○衣○馬○縱○橫○任○消○磨○酒○  
旗○歌○板○

轆轤金井 立秋

溼雲成片。暑將收。熠燿樹間光小。屋角斜陽。早西風吹到。簾櫳靜悄。香乍送。玉簪開了。幾處萸衣。一庭急雨。炎蒸如掃。流年暗中又耗。看桃笙欲滑。紗幔輕揭。秋入雕闌。更榭殘荷老。鴛鴦睡好。怕聽得。曉雞頻報。枕畔涼侵。堦前露重。簷啼嬌鳥。

醉蓬萊

壽張溫如中丞六秩

想中丞當日。節擁西江。澤流南浦。滕閣憑闌。看珠簾飛雨。拂袖歸來。沉槍苔臥。付酒經茶譜。油幕功成。經綸垂手。烟霞結侶。貽蕩春風。門前列戟。笑引金樽。萊衣爭舞。花滿樓臺。道先生初度。將相神仙。公今兼矣。更何人堪伍。牙拍清絲。倚燈頻奏。鏡歌朱鷺。

玉簫涼

七夕次陳其年韻

未麗飛香。恨孤影長宵。魂似他鄉。生離何足怨。幸猶有津梁。銀河曾否問渡。天邊事。傳說如狂。螢火細。傍雲屏羅扇。總助悲涼。年光安仁。鬢換子野情多。歷亂儘耐思量。絲絲蕉葉雨。又聞洒疎窗。夜深誰共私語。無人處。斜月空廊。還記取。画閣中。燭照殘粧。



雨中花慢 贈陸雲士歸武林

江左詞人。襖被囊詩。京華數載淹留。有二都賦就。紙  
貴神州。戶外車輪嘗滿。句中烟景全收。問王家。篋扇  
座上。群賢誰奪先籌。長卿意倦。風雨歸裝。還訪西  
子湖頭。秋色好芙蓉。十里香發汀洲。結社重尋舊侶。  
看山幾醉江樓。莫艸花月。再來燕市。慰我離憂。

揚州慢 寄酬呂半隱同年

廿載遊踪。今來河朔。共君咫尺天涯。有中山名酒。好  
醉趙城花。回首望鄉關。萬里萍浮一葉。躡屩官衙。問

名家詞鈔 棠村

三

玄亭奇字。當傳誰是侯芭。茗溪寄跡。夢揚州。又泛

仙槎。想邗上風流。海陵烟月。依舊繁華。爲我蜀箋寫  
句。画图裏猶帶烟霞。看文成五岳。每憐王粲無家。

珍珠簾 壽魏貞菴相國

謝公棋墅。栖遲久。補袞名齊北斗。三事領仙班。十漸  
資人口。一臥滄浪鷗鷺。狎。麈斂卻。經綸好手。消受。把  
棊樽羅列。圖左書右。初度恰是秋清。喜池荷凝露。  
檐花鋪繡。玉脰切銀絲。紅袞調冰藕。龍馬精神猶健。  
畝。看綵衣持觴爲壽。非謬。須慰此蒼生。加食進酒。



瑣窗寒

清明悼內

冷落繁華。又當禁火。皇州春麗。神傷奉倩。塵積牛床。  
羅綺空零。亂麝粉。薇漿鏡奩。猶剩殘膏膩。任東風浩  
蕩。飄搖素幔。吹人難起。遙睇青郊外。正杏粥初調。

油車迤邐。輕烟曉散。對此更添憔悴。憶去年花滿。彫  
闌凝粧。小立晴窗倚。到而今。細雨梨花。總釀成孤淚。

月華清

中秋

粧閣調笙。高城吹角。奏出沈寥天氣。念老子平生逸  
興。南樓堪醉。小堂前寒咽涼蟬。御溝畔香殘荷芰。天

名家詞鈔

棠村

三

霽。問西風搖落。有無桂子。且喜清樽相對。試西洋  
寶鏡。不遺纖細。兔可分毛。彷彿瑤宮堦砌。莫輕放一  
墮西岩。又凝竚。隔年嘉會。無寐。任霓裳露冷。拚虛鴛  
被。

如江山

題徐電發楓江漁父圖

崇舟衝破吳淞水。瑟瑟岸楓汀葦。酒具茶槍。雲篔簹雨  
笠。載得半江秋思。蓴絲信美。任浦地風濤。一竿鱸鮓。  
荷芰裁裳。徐陵也號天隨子。詹公任父已往。中原  
共識汝。烟波名字。鬪鴨先生。釣鰲狂客。誰繪剡溪藤。



裏徵書一紙爲勉出菰蘆客星至矣漫捲漁筒黃金臺更起

氏州第一

贈西泠吳舒鳧卽次觀劇原韻

帝里秋晴喜逢越客。小堂笑燃華炬。四座全傾。單辭皆妙。不數掾稱三語。相見頻嗟晚。讓爾詞場獨據。遼左藜床。魯城絳幔。誰爭旗鼓。優孟衣冠。江左誤。演西子湖邊士女。麗句新填。蠻牋立草。漫道吟髭苦。憶前宵涼月下。鵝笙炙重添桂醕。明日風烟。悵萍分梁園人去。

名家詞鈔 棠村

三

畫錦堂

贈宋牧仲比部時以楓香詞見示

雪苑才人。相門遺笏。海內大宋爭傳。猶憶當年宿衛。衣馬翩翩。壯歲詩書頻折節。英遊把臂滿詞壇。揮毫處。擊鉢高吟。題殘十樣蠻牋。長安投綰。爭筆扇一時。驅駕群賢。善病圍寬。沈約渴類文園。晴窗填就。花間句。綠樽鑒定米家船。楓香好。詞名讀罷清風祛暑。小閣泠然。

解連環

送李武曾之鳳陽次電發韻

帝城急雨。向秋風撼撼。客游西楚。嗟枚叔。雪苑蹉跎。

著短後衣輕。奚囊攜去。小試經綸。伴熊軾。朱轡行部。  
弔豪梁。戰壘是我當年。轄軒過處。問君舌仍在否。  
美翩翩書記。文中之虎。猶憶樂府新篇。展麗句烏絲。  
冷然忘暑。匹馬紅亭。正滿目汀蘆飛絮。一任他崢嶸。  
驃騎如何第五。

花發沁園春

己未初度

冰砌閒門。梅呈新萼。又逢一度駒隙。故園人到。京洛  
樽開。舉酒共澆寒夕。愁將鬢織。驚過眼都成陳跡。笑  
塵夢未醒。邯鄲。衰遲猶是羈客。十載韶華輕擲。看  
平生鬚眉。頓減疇昔。人移物換。燕去梁空。翻覺懽場  
蕭瑟。春風將扇。奈往事轉縈胸臆。提舊恨。暗迸珍珠。  
蠟盤紅淚同滴。

望湘人

寄懷雲間張帶三同年

悵雨來非舊。老去傷離。曲江朋侶凋謝。滄海生塵。故  
人無恙。每共耆英邀社。三泖烟橫。九峰霞起。人娛清  
夏。更烏衣子弟翩翩。不讓機雲聲價。早見名高洛  
下。執中原鞭弭。爭衡董賈。媿少不如人。頭鬢雪霜驚  
乍。何日結伴。聽漁樵話。遙憶山中多暇。把酒向喚鶴



灘前幾度樽空燈灺

望海潮

贈楊聖期世兄南歸毘陵

家聲鄒魯蘭陵寄跡韶年夙擅才名帝里重游新詞  
滿篋居然六代菁英風木獨含情嘆文人孝子落拓  
江程孔李通門剪燈握手話丁寧吾師昔待承明  
想垂紳正笏海內儀型羈旅江南山頽東國西州涕  
淚縱橫對子更沾纓幸父書可讀數畝堪耕歸去孤  
村莫虛歲月掩柴荆

惜餘春慢

送春

名家詞鈔

棠村

五

布穀啼殘野棠開盡見說綠肥紅瘦何方繫馬是處  
提壺輸與五陵豪右暗想南陌東阡草亂青袍飛花  
眠柳似徐娘老去風情今日可還如舊猶憶得錦  
瑟相偎画樓頰倚低唱翠眉微皺軟紅滿日風雨無  
端斷送韶華太陡試共東君細論何似休來來須相  
守未尋春春已先歸愁煞曉鐘時候

摸魚兒

咏窩絲糖次陳其年韻

憶長安昇平節物坊肆繁華重理大官珍味流傳久  
餅餌當年曾嗜春宵市空想像夢華昔日殘編底今

猶存此看雪片冰絲攢成螺髻貴與蔗漿齒天庖  
饌官監廚娘能記玉盤爭歎佳製詩中載得題酥處  
舊說眉山蘇子誰當似似虞糲侯鯖不數楓亭荔筵  
間瑣事入樂府新題詞人繡口偏覺暮來細

画屏秋色 九日登閣

雨後烘晴日憑檻望萬井烟光如織擊筑聲沈金臺  
砌冷依然秋色壇樹影參差正滿日觚稜丹碧都付  
與登高客看叢菊郊原夕陽宮闕可有柴桑送酒龍  
山邀展寂歷風烟似昔空搔首古今陳迹江天組  
練水犀樓櫓何時休息碣石館重開問天又見詞人  
集題徧烏絲斑筆群醉向鑪頭千載旗亭無恙點綴  
河山蕭瑟

名家詞鈔 棠村



汪蛟門

懋麟

曰大司農以勲業名天下所著詩古

文集等身傳世其詩餘雅麗渾成不事雕飾不  
撫拾隱僻深得北宋諸賢遺意予嘗論宋詞有  
三派歐晏正其始秦黃周柳姜史之徒備其盛  
東坡稼軒放乎其言之矣其餘非無單調隻句  
可喜可誦苟求其繼難以哉若今之專事故實  
竄竊幽險神韻索然恐莫知其派之所由矣願  
亟以此詞針砭之

聶晉人

先

曰鈔棠村詞有未盡收佳句如浣溪紗

名家詞鈔棠村

三

之鶯聲愁殺畫樓人憶王孫之細雨孤城盡閉  
門菩薩蠻之茅店閉黃昏孤燈何處村滿庭芳  
之閑消受幽花文蝶秋水玉簪香夏初臨之小  
立斜陽映紗廚笑着殘粧蘇幙遮之天意也知  
離別苦片片輕雲遮斷人行路卽置之片玉漱  
玉集中若相伯仲至若百字令之道在斯人晴  
窻高臥闌卻經綸手竟是一幅畫中人物如此  
數闋惜皆未列全豹謹爲拈出

